

# Qaartiterutissat pillugit Namminersornerullutik Oqartussat nalunaarutaat

Ikuallannaveersaartitsineq qatserinerlu pillugit Inatsisartut peqqussutaanni nr. 6-imi, 30. oktober 1992-imeersumi, Inatsisartut peqqussutaat nr. 8, 20. november 2006-imeersukku allannguuteqartinneqartumi § 25, imm. 1 aamma 2, § 25 d aamma § 26, imm. 2 aamma 3, naapertorlugit aalajangersarneqarput:

## Kapitali 1

*Atuuffia, nassuiaatit aamma aalajangersakkat nalinginnaasut*

### *Atuuffia*

§ 1. Nalunaarummi pineqarput qaartiterinermi atortussianik § 3, nr. 1-4-imi, taaneqartunik, qaartitsissutissanik kukutsissutissanillu § 3, nr. 5-imi taaneqartunik, illuliornermut sanaartornermullu atatillugu atorneqartussanik avataaniit eqquassinissaq, avammut annissinissaq, toqqortaqaqnissaq, tunisinissaq, pisinissaq, tunniussinissaq, assartuinissaq, atuinissarlu kiisalu suliffeqarfiit qaartiterinermi atortussianik kiisalu qaartitsissutissanik kukutsissutissanillu taamaattunik toqqortaqaqrusut, atuiffusut sanaffusartulluunniit aaqqissugaanerat.

§ 2. Nalunaarummi pineqanngillat:

- 1) Qaartiterinermi atortussiat § 3, nr. 1-4-mi, taaneqartut aamma qaartitsissutissat kukutsissutissallu § 3, nr. 5-imi, taaneqartut, aatsitassarsiornermut allatulluunniit aatsitassanik ikummatissanillu misissuinermut piiaanermullu atatillugu atorneqartussat, pissutigalugu tamatumunnga atatillugu qaartiterinermi atortussiat § 3, nr. 1-4-mi, taaneqartut aamma qaartitsissutissat kukutsissutissallu § 3, nr. 5-imi, taaneqartut pillugit atugassarititaasut suulluunniit oqartussaasunit akuersissuteqarsinnaatitaasunit aalajangersarneqartarmata.
- 2) Qaartiterinermi atortussiat § 3, nr. 1-4-mi, taaneqartut aamma qaartitsissutissat kukutsissutissallu § 3 nr. 5-imi, taaneqartut, kiisalu imassat sakkutuunut politiinullu atugassatut naatsorsuussat.
- 3) Qummoroortaatit, ajunaalernermi kalerrisaarutit qaartartunullu tuukkartalinnut.
- 4) Aallaasit imassaat.

*Nassuiaatit aamma aalajangersakkat nalinginnaasut*

§ 3. Nalunaarummi pineqartut imatut paasineqassapput:

- 1) Qaartiterutissat: Akoorutissat suikkaasut imerpalasulluunniit, imaluunniit akoorutissat akuleriit kemiskimik qisuariarnerminni gassinik pilersitsisinnaasut, kissarneqarnermikkut naqitsineqarnermikkut aammalu ima sukkatiginermikkut allaat avatangiisiminnut ajoquusiinnaallutik.
- 2) Akoorutissat pyrotekniskiusut: Akoorutissat imaluunniit akoorutissat akuleriit

qaartinneqannginnermikkut, namminneerlutik ikikkarnermikkut, kissamik pilersitsinikkut, kemiskimik qisuariarnikkut kissamik, qaamanermik, nipimik, gassinik putsumilluunniit taakkunaniluunniit arlallit akuleriisillugit sunniuttussatut naatsorsuussaasut.

3) Atortussiat qaartuujasut: Atortussiat qaartiterutissanik aamma/imaluunniit akoorutissanik pyrotekniskiusunik ataatsimik amerlanerusunilluunniit imaqartut.

4) Qaartiterinermi atortussiat: Qaartiterinermi atortussiat nr. 1-3-mi taaneqanngitsut, kisiannili qaartitsinermi imaluunniit pyrotekniskiusumik sunnerneqarnermi naleqquttumik sunniuteqartitsinissamik siunertaqarluni sananeqarsimasut.

5) Qaartitsissutissat kukutsissutissallu: Ikkussukkat taamaattut, qaartitsissutissanut imaluunniit kukutsissutissanut allanut imaluunniit qaartitassatut immikkamut nukimmik aallartitsinissamik pilersitsisussat, taamaalilluni qaatitsisoqarsinnaalissalluni.

6) Qaartiterutissaasiviit: Containerit qaartiterutissaasiviit, illerfiit qaartiterutissaasiviit, sikaaviit qaartiterutissaasiviit, illut aamma nunap iluani toqqorsiviit.

7) Qaartiterutissat qaartuujanerit: Qaartiterutissaq kissamut, tagiunnermut imaluunniit kalluussaannermut immikkut malussajasorujussuaq. Qaartiterutissat qaartuujanerit aammattaaq kukutsissutissat imaluunniit kukoqqaasiassanik taaneqartarput. Taakku kukujanertik pissutigalugu ikummatissiassanik qaartiterutissanillu qaartitsinissamik imaluunniit akoorutissanik pyrotekniskiusunik kukutsinissamik immikkut naleqqupput.

8) Qaartiterutissat qaartuujannginnerit: Qaartiterutissat kissamut, tagiunnermut imaluunniit kalluussaannermut malussajavallanngitsut. Qaartiterutissat qaartuujannginnerit aamma ikummatissiassatut imaluunniit paassatut taaneqartarput.

9) Ataatsimoortinneqarsinnaasut B: Atortussiat immikkoortitikkat qaartiterutissanik qaartuujanernik imaqartut, aammalu minnerpaamik pitsaasunik 2-nik isumannaallisaateqanngitsut. Atortussiat ilai, soorlu qaartitsinermi detonatorit, detonatorit uiguneqarfiat seqqortaatillu tassunga aamma ilaatinneqarput, naak taakku qaartiterutissanik qaartuujanernik imaqanngikkaluartut.

10) Ataatsimoortinneqarsinnaasut D: Qaartiterutissat qaartuujannginnerit immikkoortitikkat, paassat qernertut imaluunniit atortussianik qaartiterutissanik qaartuujannginnerinik qaartitsissutissanik imallit, pineqartuni tamaginni namminerisaminnik kukuttaateqanngitsut aammalu qaartoorsinnaasunik atortoqanngitsut, imaluunniit atortussiat qaartiterutissanik qaartuujanernik imaqartut, aammalu minnerpaamik pitsaasunik 2-nik isumannaallisaateqartut.

11) Ataatsimoortinneqarsinnaasut S: Akoorutissat imaluunniit atortussiat imatut poortugaasut imaluunniit ilusiligaasut ulorianaatigisinnaasaat kukkuneqarnermik kingunerisaanik poortamiiginnarluni, tamatumani poortuutaasooq ikuallannikkut aserorneqarsimanngippat. Taamatut pisoqarnerani tamaginni naqitsinerup qaartitsinermilu aseqqut igeriunneqarnerisa sunniutigisinnaasai killilersorneqassapput, taamaalillutik qatserinermi allatulluunniit poortap qanitaani annaassiniarnermi annertuumik ajoqutaassanatik akornutaassanatillu.

**§ 4.** Suliffeqarfik qaartiterinermi atortussianik § 3, nr. 1-4-mi, taaneqartunik sanaartortartoq tassaavoq fabrikki assigisaaluunniit nioqqutissiornerpiamik ingerlataqartoq, niueruteqarnissaq siunertaralugu sanaartortartoq. Suliffeqarfimmi ammoniumnitratimik mineraluuliamillu akuleriisitsineq akuleriisitsinerup kingorna ingerlaannaq akuugaq atorineqartillugu tamanna sanaartornertut isigineqanngilaq.

**§ 5.** Qaartiterinermi atortussianik § 3, nr. 1-4-mi, taaneqartunik aamma qaartitsissutissanik kukutsissutissanillu § 3, nr. 5-imi, taaneqartunik immikkoortiterineq nalunaarummi matumani taaneqartoq

nunat tamat akornanni aqqusinikkut usinik ulorianartunik assartuisarneq pillugu Europami isumaqatigiisummi/ Agreement concerning the International Carriage of Dangerous Goods by Road (ADR), immikkoortiterisarneq innersuussutigineqarpoq. Qaartiterinermi atortussiat § 3, 1-5-mi taaneqartut tamarmik nalunaarsorneqarsimapput 1-mik ADR-imi.

*Imm. 2.* Qaartiterinermi atortussiat § 3, nr. 1-4-mi, taaneqartut annertussusaat nalunaarummi matumani taaneqaraangata, tamanna puui ilanngunnagit annertussutsinut (NEQ) innersuussinerusarpoq.

## Kapitali 2

### *Avataaniit eqqussuisarneq aamma avammut annissuisarneq*

**§ 6.** Qaartiterinermi atortussianik § 3, nr. 1-4-mi, taaneqartunik aamma qaartitsissutissanik kukutsissutissanillu § 3, nr. 5-mi, taaneqartunik, Kalaallit Nunaannut eqqussuinissaq aamma Kalaallit Nunaannit annissuinissaq qaartiterutissanut naalakkersuisumit akuersissuteqarfigineqarsimassaaq. Qinnuteqaat qaartiterutissat pillugit Naalakkersuisoqarfimmut nassiunneqassaaq, taamaattorli tak. § 7, nr. 1.

*Imm. 2.* Qaartiterutissanut naalakkersuisup akuersissummik tunniussinerminut atatillugu atugassarititaasussat aalajangersarsinnaavai.

**§ 7.** Qaartiterinermi atortussianik § 3, nr. 1-4-mi, taaneqartunik aamma qaartitsissutissanik kukutsissutissanillu § 3, nr. 5-mi, taaneqartunik, Kalaallit Nunaannut eqqussuinissamik aamma Kalaallit Nunaannit annissuinissamik kisermaassisinnaatitaaneq qaartiterutissanik naalakkersuisumit akuersissutigineqarsimappat, tamatumunnga akuersissummik allanut tunniussisoqarsinnaanngilaq.

## Kapitali 3

### *Tuniniaasarneq*

**§ 8.** Qaartiterinermi atortussianik § 3, nr. 1-4, taaneqartunik aamma qaartitsissutissanik kukutsissutissanillu § 3, nr. 5-mi, taaneqartunik, tuniniaasarnissaq qaartiterutissanut naalakkersuisumit akuersissutigineqarsimassaaq. Qinnuteqaat qaartiterutissanut naalakkersuisoqarfimmut nassiunneqassaaq, taamaattorli takuuk *imm. 2.*

*Imm. 2.* Qaartiterinermi atortussianik § 3, nr. 1-4-mi, taaneqartunik aamma qaartitsissutissanik kukutsissutissanillu § 3, nr. 5-mi, taaneqartunik, tuniniaasarnissamik kisermaassisinnaatitaaneq qaartiterutissanik naalakkersuisumit akuersissutigineqarsimappat, tamatumunnga akuersissummik allanut tunniussisoqarsinnaanngilaq.

*Imm. 3.* Qinnuteqartoq qaartiterutissaasivinnik akuerisaasunik, toqqortassatut kissaatigineqartut amerlassusaannut naleqqiullugu naammattunik amerlassusilinnik pigisaqassaaq.

**§ 9.** Tuniniaasarnissamik akuersissut taamaallaat inuussutissarsiuteqarnermut tunngatillugu tuniniaasarnissatut nalunaarutigineqarsinnaavoq.

**§ 10.** Tuniniaasarnissamik akuersissummik qinnuteqarnermi qinnuteqartup qaartiterinermi atortussianit § 3, nr. 1-4-mi, taaneqartunit aamma qaartitsissutissanit kukutsissutissanillu § 3, nr. 5-mi, taaneqartunit, suut tuniniarneqartassanersut paasissutissiisutigissavai.

*Imm. 2.* Qaartiterutissanut naalakkersuisoq akuersissummik qinnuteqaammut itigartitsinnaavoq, qaartiterinermi atortussianit § 3, nr. 1-4-mi, taaneqartunit aamma qaartitsissutissanit kukutsissutissanillu § 3, nr. 5-mi, taaneqartunit, qinnuteqaammi suussusissatut allanneqartut, assersuutigalugu piginnaaneqarnertik pitsaassusertillu peqqutigalugit akuerineqarsinnaan-ngippata.

*Imm. 3.* Qaartiterinermermi atortussiat § 3, nr. 1-4-mi, taaneqartut aamma qaartitsissutissat kukutsissutissallu § 3, nr. 5-mi, taaneqartut, tuniniarneqartut CE-mik nalunaaqutsersorsimassapput.

**§ 11.** Kialuunniit qaartiterinermermi atortussianik § 3, nr. 1-4-mi, taaneqartunik aamma qaartitsissutissanik kukutsissutissanillu § 3, nr. 5-mi, taaneqartunik, tuniniaanissamut akuersissummik pigisaqartup qulakkiissavaa:

1) Tuniniaaneq qaartiterinermermi atortussianik § 3, nr. 1-4-mi, taaneqartunik aamma qaartitsissutissanik kukutsissutissanillu § 3, nr. 5-mi, taaneqartunik, pisinissamik atuinissamillu akuersissummik pigisaqartunut taamaallaat pisassammat. Akuersissut tunniussinerni tamaginni takutinneqartassaaq.

2) Tunniussineq §§ 57-59 naapertorlugit pissaaq.

*Imm. 2.* Tuniniaasarnissamik akuersissummik pigisaqartup tunisinerni tamaginni tunisat amerlassusaat pisisup qaartiterinermermi atortussianik § 3, nr. 1-4-mi, taaneqartunik aamma qaartitsissutissanik kukutsissutissanillu § 3, nr. 5-mi, taaneqartunik, pisinissamut atuinissamullu akuersissutaata tunuani tunniunneqartut amerlassusaat allassavai.

## Kapitali 4

### *Pisineq atuinerlu*

**§ 12.** Qaartiterinermermi atortussianik § 3, nr. 1-4-mi, taaneqartunik aamma qaartitsissutissanik kukutsissutissanillu § 3, nr. 5-mi, taaneqartunik, pisinissaq atuinissarlu qaartiterutissanut naalakkersuisumit akuersissutigineqarsimassaaq.

*Imm. 2.* Akuersissummik qinnuteqaat qinnuteqarfissatut immersugassami qaartiterutissanut naalakkersuisumit suliarineqarsimasumi immersorneqassaaq, taannalu qaartiterutissanut naalakkersuisoqarfimmut nassiunneqassalluni.

*Imm. 3.* Qinnuteqartup qaartiterinermermi atortussianit § 3, nr. 1-4-mi, taaneqartunit aamma qaartitsissutissanit kukutsissutissanillu § 3, nr. 5-mi, taaneqartunit, suussutsit qinnuteqaammi paasisutissiissutigissavai.

*Imm. 4.* Qinnuteqartup uppernassaait makku qinnuteqaamminut ilanngutissavai:

1) Piffissami qinnuteqarfiusumi qaartiterinermermi pisortamik akuerisamik pissaqareerneq. Uppernarsaatitut qinnuteqartup qaartiterinermilu pisortap akuerisap pineqartup akornanni isumaqatigiissut ilanngunneqassaaq.

2) Qinnuteqartoq qaartiterinermut atatillugu inuussutissarsiornermi akisussaanermut sillimmasiisimassaaq. Uppernarsaatitut sillimmasiisummut akiliisimanermut uppernarsaat ilanngunneqassaaq.

3) Qinnuteqartoq qaartiterinissamut qaartiterinermut atortussanik sakkunillu isumannaatsunik pigisaqartoq. Uppernarsaatitut atortut sakkullu pigineqartut allaatigineqarnerat ilanngunneqassaaq.

**§ 13.** § 12, imm. 3-mi aamma 4-mi, piumasaqaataasut eqquutsinneqarnissaasa saniatigut qaartiterinermermi atortussianik § 3, nr. 1-4-mi, taaneqartunik aamma qaartitsissutissanik kukutsissutissanillu § 3, nr. 5-mi, taaneqartunik, pisinissamut atuinissamullu akuersissut nalunaarutigineqassaaq, makkuninnga piumasaqaatitalerlugu:

1) Qaartiterinermermi atortussiat § 3, nr. 1-4-mi, taaneqartut aamma qaartitsissutissat kukutsissutissallu § 3, nr. 5-mi, taaneqartut, inuussutissarsiornermut atorneqassapput.

2) Qaartiterinermermi suliaasat tamarmik qaartiterinermermi pisortamit akuerisaasumit aquunneqassapput.

3) Qaartiterutissanut naalakkersuisoq imatut naliliinngitsoq akuersissutip tunniunneqarnissanut

pingaarutilinnik akornutissaqartoq.

4) Qinnuteqartup qinnuteqarnermini qartiterutissanut naalakkersuisup politiillu aammalu Royal Arctic Line-p akornanni paasissutissanik qinnuteqartumut tunngasunik, qinnuteqaatip suliarinerani atorneqartussanik piniartoqarsinnaanera ingerlatitseqqittoqarsinnaaneralu akuerigaa.

**§ 14.** Qartiterinermi atortussiat § 3, nr. 1-4-mi, taaneqartut aamma qartitsissutissat kukutsissutissallu § 3, nr. 5-mi, taaneqartut, qartiterinermi atortussianik § 3, nr. 1-4-mi, taaneqartunik aamma qartitsissutissanik kukutsissutissanillu § 3, nr. 5-mi, taaneqartunik, tuniniaanissamik akuersisummik pigisaqartumit taamaallaat pisiniarineqarsinnaapput. Qartiterinermi atortussiat § 3, nr. 1-4-mi taaneqartut aamma qartitsissutissat kukutsissutissallu § 3, nr. 5-mi, taaneqartut, Kalaallit Nunaata avataanit pisiarineqassanngillat.

*Imm. 2.* Qartiterinermi atortussianik § 3, nr. 1-4-mi, taaneqartunik aamma qartitsissutissanik kukutsissutissanillu § 3, nr. 5-mi, taaneqartunik, pisinissamik atuinissamillu akuersisummik pigisaqartup qulakkiissavaa qartiterinermi atortussianit § 3, nr. 1-4-mi, taaneqartunit aamma qartitsissutissanit kukutsissutissallu § 3, nr. 5-mi, taaneqartunit, pisiarineqartut annertussusaat amerlassusaallu:

1) Atorneqassasut.

2) Imaluunniit qartitsissutissanut toqqorsivimmi akuerisaasumi toqqortarineqassasut.

3) Imaluunniit qartitsissutissanut toqqorsivimmi akuerisaasumi, qartiterinermi atortussianik § 3, nr. 1-4-mi, taaneqartunik aamma qartitsissutissanik kukutsissutissanillu § 3, nr. 5-mi, taaneqartunik, tuniniaanissamik akuersisummik pigisaqartumit toqqortarineqartussanngorlugit utertinneqassasut.

**§ 15.** Qartiterinermi atortussianik § 3, nr. 1-4-mi, taaneqartunik aamma qartitsissutissanik kukutsissutissanillu § 3, nr. 5-mi, taaneqartunik, pisinissamut atuinissamullu akuersissut qaammatisiutit malillugit ukiumi ataatsimi atuuttussanngorlugu tunniunneqartassaaq.

*Imm. 2.* Qinnuteqaammik nutaamik nassiussisoqarneratigut akuersissut qartitsissutissanut naalakkersuisumit sivitsorneqarsinnaavoq. Sivitsuineq qaammatisiutit malillugit ukiumi ataatsimi atuuttussanngorlugu tunniunneqarsinnaavoq.

*Imm. 3.* Qartiterinermi atortussianik § 3, nr. 1-4-mi, taaneqartunik aamma qartitsissutissanik kukutsissutissanillu § 3, nr. 5-mi, taaneqartunik, pisinissamut akuersisummik sivitsuinissamut qinnuteqarnermi qinnuteqarfissatut immersugassaq qartiterutissanut naalakkersuisumit suliarineqarsimasoq immersorneqassaaq, taannalu qartiterutissanut naalakkersuisoqarfimmut nassiunneqassaaq.

**§ 16.** Qartiterinermi atortussianik § 3, nr. 1-4-mi, taaneqartunik aamma qartitsissutissanik kukutsissutissanillu § 3, nr. 5-mi, taaneqartunik, pisinissamut atuinissamullu akuersisummik sivitsuinermi, § 12, imm. 3 aamma 4, naammassineqarsimassapput. Kiisalu paasissutissat makku qinnuteqaammi ilanngunneqassaput:

1) Qinnuteqaatip nassiunneqarnerani pisiasimasut annertussusaat nalunaarutigineqassaaq.

2) Qinnuteqaatip nassiunneqarnerani qartiterinermi atortussianit § 3, nr. 1-4-mi, taaneqartunit aamma qartitsissutissanit kukutsissutissanillu § 3, nr. 5-mi, taaneqartunit, atugaagallartut tamakkiisumik takussutissiornerat.

3) Ukiup ingerlanerani atukkat suliassanut sunut atorsimaneranut nalunaarsukkat.

4) Qinnuteqaatip nassiunneqarnerani qartiterinermi atortussianit § 3, nr. 1-4-mi, taaneqartunit aamma qartitsissutissanit kukutsissutissanillu § 3, nr. 5-mi, taaneqartunit, qanoq amerlatigisut pigineqarnerinut naatsorsuutit, aammalu qartiterutissaasivimmi sorlermi uninngatitsisoqarnersoq.

5) Qaartiterinermeri pisortamik sulii peqartoqarneranut uppersarsaat, tassanilu pineqartup aqqa aamma CPR-normua (Det Centrale Personregister) kiisalu pineqartup qaartiterinermeri pisortatut qaartiterutissanut naalakkersuisumit akuerineqarnerata ullua allanneqassapput.

**§ 17.** Qaartiterutissanut naalakkersuisoq qaartiterinermeri atortussianik § 3, nr. 1-4-mi, taaneqartunik aamma qaartitsissutissanik kukutsissutissanillu § 3, nr. 5-mi, taaneqartunik, pisinissamut atuinissamullu akuerineqarnissamut aamma akuersissutinik sivitsuinissamut qinnuteqaatinik itigartitsisinnaavoq:

1) Paasissutissat politiinit imaluunniit Royal Arctic Line-mit pissarsiarineqarsimasinnaasut inunnut, uumasunut, pigisanut nuunneqarsinnaasunut pigisanulluunniit aalaakkaasunut tun-ngatillugu sillimanissaq eqqarsaatigalugu eqqarsarnartoqartinneqarpata.

2) Qinnuteqaammi qaartiterinermeri atortussianik § 3, nr. 1-4-mi, taaneqartunik aamma qaartitsissutissanik kukutsissutissanillu § 3, nr. 5-mi, taaneqartunik, qanoq ittuunerinik amerlassusissaattullu allanneqartut piginnaanerata atorfissaattullu siunertaasoq akuerineqarsinnaanngippata.

**§ 18.** Qaartiterinermeri pisortap qaartiterinermerik sissuerluinnartumik, tamatumunnga ilanngullugu qaartiterinermeri pitsaassuserititassat nalinginnaasut malillugit, ingerlatsinissaa, qaartiterinermeri atortussianik § 3, nr. 1-4-mi, taaneqartunik aamma qaartitsissutissanik kukutsissutissanillu § 3, nr. 5-mi, taaneqartunik, pisinissamik atuinissamillu akuersissummik pigisaqartup, nakkutigissavaa.

## Kapitali 5

### *Qaartiterinermeri pisortaq*

**§ 19.** Qaartiterinermeri pisortat, qaartiterinermeri suliaassanik isumagisaqartussat, qaartiterutissanut naalakkersuisumit, qaartiterinermeri pisortatut sulinissamut akuersissummik peqartussaapput.

*Imm. 2.* Kinaluunniit, qaartiterinermerik ilinniartitaanermeri qaartiterutissanut naalakkersuisup akuerisaani naammassinnissimasoq, aammalu qinnuteqartoq qaammatit 24-t kingulliit ingerlanerini sivikinnerpaamik qaammatini 12-ini qaartiterinermeri pisortamut akuerisamut ikiortitut sulisimappat akuersissummik tunineqarsinnaavoq.

*Imm. 3.* Akuersissut ukiunut 5-nut tunniunneqarsinnaavoq aammalu tamatuma kingorna sivitsorneqarsinnaalluni, tak. § 20.

*Imm. 4.* Akuersissummik qinnuteqarnermeri qinnuteqarfissatut immersugassaq qaartiterutissanut naalakkersuisumit suliarineqarsimasoq immersorneqassaaq, taannalu qaartiterutissanut naalakkersuisoqarfimmut nassiunneqassalluni.

*Imm. 5.* Qinnuteqartup qinnuteqarnermeri qaartiterutissanut naalakkersuisup politiillu akornanni paasissutissanik qinnuteqartumut tunngasunik, qinnuteqaatip suliarinerani atorineqartussanik piniartoqarsinnaanera ingerlatitseqqittoqarsinnaaneralu akuerissavaa.

**§ 20.** Akuersissutip sivitsorneqarnissaa, qaammatit 24-t kingulliit ingerlanerini sivikinnerpaamik qaammatini 12-ini qaartiterinermeri pisortatut sulisimasumut, qaartiterutissanut naalakkersuisup nalunaarutigisinnaavaa.

*Imm. 2.* Akuersissut ukiunut 5-nut sivitsorneqarsinnaavoq.

*Imm. 3.* Akuersissutip sivitsorneqarnissaanik qinnuteqarnermeri qinnuteqarfissatut immersugassaq qaartiterutissanut naalakkersuisumit suliarineqarsimasoq immersorneqassaaq, taannalu qaartiterutissanut naalakkersuisoqarfimmut nassiunneqassalluni.

*Imm. 4.* Qinnuteqartup sivitsuinissamik qinnuteqarnermeri qaartiterutissanut naalakkersuisup politiillu

akornanni paasissutissanik qinnuteqartumut tunngasunik, qinnuteqaatip suliarinerani atorineqartussanik piniartoqarsinnaanera ingerlatitseqqittoqarsinnaaneralu akuerissavaa.

**§ 21.** Qaartiterinermi pisortatut atuunnissamut akuersissut atorunnaassaaq, qaartiterinermi pisortap minnerpaamik ukiut 5-kaarlugit ilisimasanik uteqqiiffusumik pikkorissartitsisarnermut qaartiterutissanut naalakkersuisup akuerisaanut peqataasimanngippat.

**§ 22.** Qaartiterutissanut naalakkersuisup isumannaallisaaneq eqqarsaatigalugu pisariaqartutut naliliiffigippagu, inuk nunami allami qaartiterinermi pisortatut ilinniarsimanermut uppersaateqartoq, Kalaallit Nunaanni qaartiterinermi pisortatut akuerineqannginnermini qaartiterinermi ilisimasani attatiinnarniarlugit pikkorissaanermut, qaartiterutissanut naalakkersuisumit akuerisaasumut, peqataaqaassaaq.

*Imm. 2.* Qaartiterinermi ilisimasanik uteqqiiffusumik pikkorissartitsineq piumasarineqarsinnaavoq, assersuutigalugu pineqartup ilinniarsimanermut uppersaataa nunani allani akuerisaasoq, Kalaallit Nunaanni pitsaassuserititassanut naapertuutinnngippat, imaluunniit ilinniarsimanermut uppersaamma qaarsumik qaartiterinissamut pisariaqartunik misilittagaqarsimaneq uppersarsarneqarsinnaanngippat.

**§ 23.** Qaartiterutissanut naalakkersuisoq qaartiterinermi pisortatut atuunnissamut akuerineqarnissamut aamma akuersissutiniq sivitsuinissamut qinnuteqaatinik itigartitsisinnaavoq, pinnerluuteqarsimaneq pillugu paasissutissat politiinit pissarsiarineqarsimasinnaasut inunnut, uumasunut, pigisanut nuunneqarsinnaasunut pigisanulluunniit aalaakkaasunut tunngatillugu sillimanissaq eqqarsaatigalugu eqqarsarnartoqartinneqarpata.

**§ 24.** Qaartiterinerup nalaani qaartiterinermit pisortaq sissuerluinnassaaq aammalu ajoquseriataarsinnaanerit annikinnerpaajutinniarlugit killilersuissalluni. Tamanna isumaqarpoq qaartiterinermi pitsaassuserititassat nalinginnaasut minnerpaamik malinneqassasut.

*Imm. 2.* Qaartiterinermit pisortaq isumannaallisaanermut aammalu qaartiterinermit atatillugu isumannaallisaanermi ungasissusissanik aalajangiinissamut akisusaasuvoq.

*Imm. 3.* Qaartiterinermi pisortaq qaartiterinermit suliaqartilluni, allagartamik ersarissumik ersittumillu "Qaartiterinermi pisortaq/Sprængningsleder/shotfirer"-mik allassimasumik atuissaaq.

**§ 25.** Qaartiterinermi pisortaq, nammineq suliffiutiminut atatillugu qaartiterinermit suliaqartoq qaartiterinermi pisortatut akuersissummik pigisaqarnermi saniatigut qaartiterinermi atorussianik § 3, nr. 1-4-mi, taaneqartunik aamma qaartitsissutissanik kukutsissutissanillu § 3, nr. 5-mi, taaneqartunik, pinissamut atuinnissamullu akuersissummik pigisaqassaaq.

## Kapitali 6

### *Qaartiterutissanik sanaartorneq akuleriisitsinerlu*

**§ 26.** Qaartiterinermi atorussianik § 3, nr. 1-4-mi, taaneqartunik aamma qaartitsissutissanik kukutsissutissanillu § 3, nr. 5-mi, taaneqartunik, sanaartornerup aallartinneqannginnerani, suliffeqarfik taassumalu ilusilersugaanera qaartiterutissanut naalakkersuisup akuereqqaarsimassavaa. Qinnuteqaat qaartiterutissanut naalakkersuisoqarfinnut nassiuunneqassaaq. Qinnuteqaat uppersaatinik ukuninnga ilaqartinneqarpata akuerineqassaaq, taamaattorli tak. imm. 2:

1) Aarlerinangitsunik avatangiiseqarluni sanaartornissamut naammattunik sulisussaartoq atorussaartorlu.

2) Sanaartorneq, qaartiterinermi atorussianik § 3, nr. 1-4-mi, taaneqartunik aamma qaartitsissutissanik kukutsissutissanillu § 3, nr. 5-mi, taaneqartunik, sanaartornissamut pitsaassuserititassat nalinginnaasut

naapertorlugit pissasoq.

3) Atortuutit suliarineqartarnissaannut aserfallatsaaliorneqarnissaannullu pilersaarummik peqartoq.

4) Qinnuteqartoq akoorutissanut atortussianullu § 3, nr. 1-4-mi, taaneqartunut aamma qaartitsissutissanut kukutsissutissanullu § 3, nr. 5-mi, taaneqartunut, toqqorsiviusinnaasumik qaartiterutissaasivimmik akuerisaasumik peqartoq.

*Imm. 2.* Qaartiterinermi atortussianik § 3, nr. 1-4-mi, taaneqartunik aamma qaartitsissutissanik kukutsissutissanillu § 3, nr. 5-mi, taaneqartunik, sanaartornissamut kisermaassinissamik akuersisummik qaartiterutissanut naalakkersuisoq nalunaaruteqarsimappat, imm. 1 naapertorlugu akuersisummik pissarsisoqarsinnaanngilaq.

**§ 27.** Ikuallattoornissamut qaartoonissamullu pitsaaliuinnermut atatillugu qaartiterutissanut naalakkersuisup qinnuteqaat itigartissinnaavaa, akuersissuteqarnermi inuit, uumasut, pigisat nuunneqarsinnaasut imaluunniit pigisat aalaakkaasut annertuumik ulorianartorsiortinneqartussat naliliiffigineqarpat.

**§ 28.** Suliffeqarfinnut qaartiterinermi atortussianik § 3, nr. 1-4-mi, taaneqartunik aamma qaartitsissutissanik kukutsissutissanillu § 3, nr. 5-mi, taaneqartunik sanaartortartunut ilanngussaq 1 atuuppoq. Illersuusikkatut, tak. ilanngussaq 1b, isigineqassaaq qaartiterutissaasivimmi qaartiterutissat qaavanniit akoorutissat 5.1-itut suussusilikkat toqqorsivimmi allami akuerisamiittut qaavannut narlumuinnaq issoq, cementi, qaarsoq imaluunniit alla qajannaatsoq minnerpaamik 2,4 meteri siaarlugu inissinneqarsimappat.

*Imm. 2.* Qinnuteqaatit ataasiakkaat suliarinerini qaartiterutissanut naalakkersuisoq akisussaasuusoq aalajangiisnaavoq, suliffeqarfinnut qaartiterinermi atortussianik § 3, nr. 1-5-mi, taaneqartunik, immikkut ittumik qaartiterinnermut tunngasunik sanaartortartunut imaluunniit pissutsit tamanna pisariaqartippassuk, isumannallisaanermi ungasissusissat allaanerusut atuutissasut.

**§ 29.** Qaartiterinermi atortussianik § 3, nr. 1-4-mi, taaneqartunik aamma qaartitsissutissanik kukutsissutissanillu § 3, nr. 5-mi, taaneqartunik, pisinissamik atuinissamillu akuersisummik peqartoq, suliffeqarfimmi ammoniumnitrat mineraluuliamut akuleriisinnginnerani akuersisummik qinnuteqaqqaassaaq. Qinnuteqaat qaartiterutissanut naalakkersuisoqarfimmut nassiunneqassaaq.

*Imm. 2.* Suliffeqarfimmi ammoniumnitrat mineraluuliamut akuleriisinneqarsimasoq, akuleriisinnerani ingerlaannaq atorneqassaaq. Akuleriisitap sinnera atorneqanngitsoq sulereernermi ingerlaannaq suujunnaarsinneqassaaq, tak. § 63.

*Imm. 3.* §§ 26-28 taamaaqataanik atuupput.

## Kapitali 7

### Toqqortaqaarneq

#### *Aalajangersakkat ataatsimoorussat*

**§ 30.** Qaartiterinermi atortussiat § 3, nr. 1-4-mi, taaneqartut aamma qaartitsissutissat kukutsissutissallu § 3, nr. 5-mi, taaneqartut qaartiterutissaasivimmi akuerisami toqqortarineqassapput, nalunaarummi matumani allatut aalajangersaasoqarsimanngippat.

*Imm. 2.* Qaartiterutissaasiviup akuerineqarnissaanik qinnuteqarnermi qinnuteqarfissatut immersugassaq qaartiterutissanut naalakkersuisumit suliarineqarsimasoq immersorneqassaaq aammalu qaartiterutissanut naalakkersuisoqarfimmut nassiunneqassalluni.



**§ 31.** Qaartiterutissanut naalakkersuisoq qaartiterutissaasivimmut akuersisummik nalunaaruteqassaaq, qinnuteqaat makkuninnga imaqarpat:

- 1) Qinnuteqartup aqqa CPR-normualu (Det Centrale Personregister) kiisalu GER-normua (Inuussutissarsiummik Ingerlataqartunik Nalunaarsuiffik).
- 2) Qaartiterutissaasivimmi pisortatut akisussaasoq taassumalu sinniisissai 2-luk pillugit paasissutissat, tak. § 46, imm. 1.
- 3) Qaartiterutissaasiviup inissiffissaa eqqarsaatigalugu nalunaarummi piumasaqaataasut naammassineqarsimanerinit uppersaaitit titartaganngorlugit suliat.
- 4) Qaartiterutissaasiviup assingi, iluaniit silataaniillu.
- 5) Nunaminertamut qaartiterutissaasiviup inissinneqarfigisaanut tunngatillugu nunaminertanik atugassiiartunit nunaminertamik tunineqarnermut uppersaaitip assilinera.
- 6) Maleruagassat suut naapertorlugit qaartiterutissaasivik uppersarneqarsimanersoq taaneqassaaq, tak. § 32.

*Imm. 2.* Akuersissutip allaganngorlugu nalunaarutigineqarneranut ilanngullugu qanoq annertutigisut qaartiterutissaasivimiitneqarsinnaanersut nalunaarutigineqassaaq.

*Imm. 3.* Qaartiterutissanut naalakkersuisoq akuersissuteqarnermini ilaatigut piumasaqarsinnaavoq:

- 1) Kalerrisaarutini, tillinniarnarup tillinniariaraluarnerulluunniit akornusernissaanut naammattunik ikkussuinissaq.
- 2) Isernissamut pissusilersornissamullu killilersuutini immikkut ittunik ikkussuinissaq, tassunga ilanngullugu qaartiterutissaasivimmut aqqusinermit assiaqusersuineq.
- 3) Qajannaarsaatini ikkussuinissaq, taamaalilluni aallaammik seqqortoqartillugu aqerluani qaartiterutissaasivik putuneqarsinnaassanani.

*Imm. 4.* Qaartiterutissaasivimmi akuerisaareersuni allannguinerit tamaginni, tassunga ilaallutik qaartiterutissaasiviup ilusaanik, inissititerneranik, inaanik ungaluiniilluunniit allannguinerit, siumoortumik qaartiterutissanut naalakkersuisoq akuersiteqqaarneqartariaqarpoq.

*Imm. 5.* Imm. 1, nr. 4, illerfimmut qaartiterutissaasivimmut imaluunniit qaartitsissutissanut sikaavimmut atuutinngilaq.

**§ 32.** § 31, imm. 1, nr. 6, naapertorlugu uppersaaneq pisinnaavoq assersuutigalugu maleruagassat uku malillugit:

- 1) Beredskabsstyrelsen (dansk).
- 2) Sprängämnesinspektionen/Redningsverket SÄIFS 1989:8 (svensk).
- 3) Direktoratet for brann- og eksplosjonsvernens Veiledning, 2000-imi februarimeersoq (norsk).
- 4) Natural Resources Canada Storage Standards for Industrial Explosives May 2001 (canadamiut).
- 5) Ilitsersuutit malitassallu allat nr. 1-4-mi taaneqartunut assingusut, uppersaaitit pitsaassusissallu qinnuteqarnermit saqqummiunneqarpat.

*Imm. 2.* Qaartiterutissaasiviup uppersasineqarsimanerani minnerpaamik piumasaqaatit uku naammassineqarsimassapput:

- 1) Qaartiterutissaasivik sisammik minnerpaamik 5 millimeterinik issussusilimmik atortussiamilluunniit tassunga assingusumik sananeqarsimasoq.
- 2) Qaartiterutissaasivik silaannarissagaasoq. Silaannarissarfik, taanna aqqutigalugu isaasoqarsinnaajunnaarsillugu sunniuteqarluartumik ungaloqartoq.
- 3) Qaartiterutissaasiviup matuata qiversartui silataaniit peerneqaraluarpata matua

peerneqarsinnaajunnaarlugu sanaajusoq.

4) Matu matup paarnaarsaataanik sannerummik ajallugit pulatittakkanik saavatigut/qulaatigut/ataatigut pilerneqarsimasooq. Paarnaarsaatit sannerutit ajallugit pulatittakkat ilummut akkisimaneri minnerpaamik 19 millimeterinik akkisimasut.

5) Matup matserfullu kannera 3,05 millimeterimiit ipitunerunngitsoq.

6) Matup ilua plademik sisammik minnerpaamik 5 millimeterimik qallerneqarsimasooq, aammalu matu qeratasuunngorlugu qajannaallisarneqarsimalluni.

7) Matu silammut ammartartooq.

8) Matu minnerpaamik ataatsimik pulatitamik paarnaarsaateqartoq. Assiaqutissaq sisak, minnerpaamik 60x10 millimeterinik angissusilik matuersaaserfimmu pulatitamat assiaqutigine-qartoq. Assiaqut sisak paarnaarsaammik nivingasumik, 4/5-imik pitsaassusilikkamik paarnaarsaaserneqarsimasooq, paarnaarsaatip nivingasup naatittarfia asserlugu ilusiligaalluni. Assiaqut sisak, assiaqutip sisaap qajannaassusianut naleqquttumik aalajangigaasooq, silataaniillu peerneqarsinnaanani.

*Imm. 3.* Imm. 2 nr. 2-8, illerfimmu qaartiterutissaasivimmu imaluunnuut sikaavimmu qaartiterutissaasivimmu atuutinngillat. Taamaattorli taakku paarnaarsaammik nivingasumik, 4/5-imik pitsaassusilikkamik paarnaarsaaserneqarsimassapput, paarnaarsaatip nivingasup naatittarfia asserlugu ilusiligaasunik.

**§ 33.** § 5, imm. 1, naapertorlugu qaartiterutissat immikkoortitikkat ataatsimoortinneqarsinnaasunut kattullugit usilersuunneqarnissamut akuerisanut ilaanngitsut taamaallaat ilanngussaq 2-mi takussutissiamut ilaappata qaartiterutissaasivimmi ataatsimut toqqortarineqarsinnaapput imaluunniit ataatsimut usilersuunneqarsinnaallutik.

*Imm. 2.* Qaartitsissutissat kukutsissutissallu § 3, nr. 5-mi, taaneqartut qaartiterineri atorussianit § 3, nr. 1-4-mi, taaneqartunit immikkoortinneqarsimassapput.

#### *Nunami ammaannartumi qaartiterutissaasivinnut immikkut*

**§ 34.** Qaartiterutissaasivik minnerpaamik 180 centimeterimik portussusilimmik, nunamut atuutsivillugu sukaruserneqarsimasumik ungaluneqarsimassaaq. Ungalut qulaatigut siuleriinnik 3-nik 15 centimeterikkaanik akunnilinnik kapinartulersukkamik ungerutissialersugaasumik, qaartiterutissaasivimmit 45 gradinik uingasunngorlugit ikkussugaasumik pilerneqarsimassaaq.

*Imm. 2.* Ungalut matui minnerpaamik 180 centimeterinik portussuseqassapput, aammalu qulaatigut siuleriinnik 3-nik 15 centimeterikkaanik akunnilinnik kapinartulersukkamik ungerutissialersugaasumik, qaartiterutissaasivimmit 45 gradinik uingasunngorlugit ikkussugaasumik.

*Imm. 3.* Ungalut qaartiterutissaasivimmit 2 meterinit qaninnerussanngillat.

*Imm. 4.* Qaartiterutissaasiviit arlallit ataatsimut ungalulerlugit inissinneqarsinnaapput.

*Imm. 5.* Illerfiit qaartiterutissaasiviit sikaaviillu qaartiterutissaasiviit qaarsumut aalaakkaasumut, plademut betoniusumut qajannaatsumut imaluunniit containerimi sisammi sanaami iikkamut natermullu aalajangerneqarsimassapput. Qaartiterineri atorussiat § 3, nr. 1-4-mi, taaneqartut aamma qaartitsissutissat kukutsissutissallu § 3, nr. 5-mi, taaneqartut eqqussorneqartinnagit imaluunniit annissorneqartinnagit containeri sisammik sanaaq matoqqassaaq paarnaqqassallunilu.

*Imm. 6.* Containerimut sisammik sanaamut, illerfiup qaartiterutissaasiviup imaluunniit sikaaviup qaartiterutissaasiviup aalajangersimaffianiittumut atorussanik allanik toqqorterisoqassanngilaq.

*Imm. 7.* Qaartiterutissaasiviup inissinnerani ilanngusaq 3-mi isumannaallisaanikkut ungasissusissat

eqquutsinneqassapput, taamaattorli tak. § 35. Qaartiterutissaasiviit arlaqartut ataatsimut ungalulerlugit inissinneqarsimappata, ungalut iluanniittut annertussusaat ataatsimut katillugit naatsorsuunneqassapput.

**§ 35.** Qaartiterutissaasivik mittarfiup qeqqaniit 400 meterinit qaninnerusumut, imaluunniit taassuma takissusiata isuniit 1.500 meterinit qaninnerusumut inissinneqaqqusaanngilaq.

*Sulluliani suliarineqartuni qaartiterutissaasiviit*

**§ 36.** Qaartiterutissaasivimmi qaartiterinermi atortussiat § 3, nr. 1-4-mi, taaneqartut aamma qaartitsissutissat kukutsissutissallu § 3, nr. 5-mi, taaneqartut, annerpaamik 4.000 kiilut toqqortarineqarsinnaapput.

*Imm. 2.* Qaartiterutissaasiviup qulaani qaarsoq minnerpaamik 35 meterinik issussuseqassaaq.

*Imm. 3.* Qaartiterutissaasiviup avammut killinganiit sulluliap anisarfiat minnerpaamik 35 meterinik ungasissuseqassaaq. Qaartiterutissaasiviup ammanera sulluliap anisarfiata tungaanut sammissanngilaq.

*Imm. 4.* Qaartiterutissaasivik sulluliap iluani toqqorsivimmiit illunut, uuliamik inissiivinniit, akoorutissaniit atortussianiillu § 3, nr. 1-4-mi, taaneqartuniit aamma qaartitsissutissaniit kukutsissutissaniillu § 3, nr. 5-mi, taaneqartuniit kiisalu akoorutissaniit atortussianiillu ikuallassaniit minnerpaamik 300 meterinik ungasissuseqartillugu inissinneqassaaq.

*Imm. 5.* Qaartiterutissaasivik qaartoornermi naqitsinerup aqqusinnermut assartuilluni angallaffiusumut toqqaannartumik sunnuteqarfigisinaanngisaanut inissinneqassaaq.

**§ 37.** Qaartiterutissaasiviup initussusia ima annertutigissaaq, qaartiterinermi atortussiat § 3, nr. 1-4-mi, taaneqartut aamma qaartitsissutissat kukutsissutissallu § 3, nr. 5-mi, taaneqartut, poortuutaat ilanngullugit qaartiterutissaasiviup initussusianut naleqqiullugu 1/3-a sinnerlugu annertussuseqassanatik.

**§ 38.** Qaartiterutissaasivik ima inissinneqassaaq, qaartiterutissaasivimmut ujaqqanik, apummik assigisaannilluunniit nakkaasoqarsinnaassanani, imaluunniit qilaavaniit iigaaniillu erngup kusernissaa aarlerinaateqassanani. Qaartiterutissaasiviup naqqa toqqissuussaaq imaarluagaassallunilu. Qaartiterutissaasiviup silaannaata isugutassusiata qaartiterinermi atortussiat § 3, nr. 1-4-mi, taaneqartut aamma qaartitsissutissat kukutsissutissallu § 3, nr. 5-mi, taaneqartut ajoqusersinnaassanngilai.

**§ 39.** Sulluliap isariaa, imaluunniit sulluliap ilaa toqqorsiviusoq minnerpaamik 180 cm-imik portussusilimmik ungaluneqarsimassaaq, nunamut attuutsivillugu sukaruserneqarsimasumik. Ungalut qulaatigut siuleriinnik 3-sunik 15 centimeterikkaanik akunnilinnik kapinartulersukkamik ungerutissialersugaasumik, qaartiterutissanik toqqorsivimmiit 45 gradinik uingasunngorlugit ikkussugaasumik.

*Imm. 2.* Ungalup matui minnerpaamik 180 centimeterinik portussuseqassapput, aammalu qulaatigut siuleriinnik quleriinnik 3-sunik 15 centimeterikkaanik akunnilinnik kapinartulersukkamik ungerutissialersugaassallutik, qaartiterutissaasivimmiit 45 gradinik uingasunngorlugit ikkussugaasumik.

*Imm. 3.* Ungalut qaartiterutissaasivimmit 2 meterinit qaninnerussanngillat.

**§ 40.** §§ 36-39-ip saniatigut sulluliami qaartiterutissaasiviup ilusilersornerani aamma najoqqutarineqarsinnaapput:

- 1) Sprängämnesinspektionen/Redningsverket SÄIFS 1989:8 (svenskit).
- 2) Tjenestereglement for forsvaret, Håndbok i Ammunisjonsthe-neste, Undergruppe 781, Lagring af Ammuni-sjon fra Forsvarets Overkommando, 2000-imi novembarimeersaq (norskit).
- 3) Iltersuutit pitsaassusissallu allat taakkununga assingusut atorineqarsinnaasutut

akuerineqarsinnaapput, qinnuteqarnermi tamatumunnga uppersaatit pitsaassusissallu saqqummiunneqarpata.

**§ 41.** Qaartiterutissaasiviit akuerisat arlallit sulluliamut ataatsimut inissinneqarsinnaapput, tamatumanili qaartiterutissaasiviit akornanni isumannaallisaanermi ungasissuserititassaq minnerpaamik 180 meteriuvoq.

*Imm. 2.* Qaartiterutissaasivinni ataasiakkaani tamani sulluliami inissinneqartuni §§ 36-40 atuutsinneqassapput.

#### *Sullivimmi/sanaartorfimmi toqqortaqrneq immikkut*

**§ 42.** Qaartiterinermi atortussiat § 3, nr. 1-4-mi, taaneqartut aamma qaartitsissutissat kukutsissutissallu § 3, nr. 5-mi, taaneqartut, erngerlutik atorneqartussaangitsut, containerimi sisammik sanaajusumi, imaluunniit illerfimmi qaartiterutissaasivimmi imaluunniit sikaavimmi qaartiterutissaasivimmi, qaartiterinermi atortussiat § 3, nr. 1-4-mi, taaneqartut aamma qaartitsissutissat kukutsissutissallu § 3, nr. 5-mi, taaneqartut, eqqussorneqartinnatik annissorneqartinnatillu paarnaarusimatinneqassapput.

*Imm. 2.* Illerfik qaartiterutissaasivik imaluunniit sikaavik qaartiterutissaasivik, qaartiterinermi atortussianik § 3, nr. 1-4-mi, taaneqartunik aamma qaartitsissutissanik kukutsissutissanillu § 3, nr. 5-mi, taaneqartunik, toqqorsivittut atorneqartoq qaartartuusivittut akuerisaasariaqanngilaq.

*Imm. 3.* Containeri sisammik sanaajusoq, illerfik qaartiterutissaasivik imaluunniit sikaavik qaartiterutissaasivik illuniit, aqqusinermiit atortunillu allaniit minnerpaamik 2,5 meterinik ungasissusilerlugu inissinneqassaaq aammalu imerpalasunit ikuallajasunit 10 meterinik ungasissusilerlugit inissinneqassalluni.

*Imm. 4.* Containerimi sisammik sanaajusumi qaartiterinermi atortussiat § 3, nr. 1-4-mi, taaneqartut aamma qaartitsissutissat kukutsissutissallu § 3, nr. 5-mi, taaneqartut kiisalu qaartiterutissat kukutsissutissallu saniatigut atortussianik allanik inisseeqqusaanngilaq.

*Imm. 5.* Qaartitsissutissat kukutsissutissallu § 3, nr. 5-mi, taaneqartut qaartiterinermi atortussianik § 3, nr. 1-4-mi, taaneqartunit avissaartisimaneqassapput.

**§ 43.** Qaartiterinermi atortussiat § 3, nr. 1-4-mi, taaneqartut aamma qaartitsissutissat kukutsissutissallu § 3, nr. 5-mi, taaneqartut atorneqarsimanngitsut, piffissap suliffiusup naanerani containerimiit sisammik sanaajusumit, illerfimmit qaartiterutissaasivimmit imaluunniit sikaavimmit qaartiterutissaasivimmit anninneqassapput, qaartiterutissaasivimmullu akuerisamut toqqorneqassallutik.

#### *Savaatillit qaartiterutissaasiviliisarnerat immikkut*

**§ 44.** Savaatillit qaartiterinermi atortussianik § 3, nr. 1-4-mi, taaneqartunik aamma qaartitsissutissanik kukutsissutissanillu § 3, nr. 5-mi, taaneqartunik, annerpaamik 50 kiilunik toqqorsivimmiittuteqarsinnaapput.

*Imm. 2.* Qaartiterinermi atortussianik § 3, nr. 1-4-mi, taaneqartunik aamma qaartitsissutissanik kukutsissutissanillu § 3, nr. 5-mi, taaneqartunik, toqqorsivinnut atortorissaarutit, qaartiterutissanut naalakkersuisumit akuerineqarsimassapput. Qinnuteqaat qaartiterutissanut naalakkersuisoqarfimmut nassiuinneqassaaq.

*Imm. 3.* Taamaattoorli toqqortarineqartut, illoqarfiup nunaqarfullu killeqarfianiit minnerpaamik 5 kilometerinik ungasissusilimmi inissisimasumi inissisimatinneqassapput aammalu illumit qaninnermiit minnerpaamik 400 meterinik ungasissusilimmi inissisimatinneqassallutik.

*Imm. 4.* Qaartiterutissanut naalakkersuisup akuersissuteqarnerminut atatillugu atugassarititaasussat aalajangersarsinnaavai, tak. imm. 2.

*Imm. 5.* §§ 30-33 atuutissanngillat.

## Kapitali 8

*Pisortatut akisussaasussamik toqqaaneq kiisalu qaartiterutissaasivinnik ingerlatsineq*

**§ 45.** Qaartiterutissaasivimmit piginnittoq qaartiterutissaasivimmut pisortatut akisussaasussamik taassumalu sinniisissaanik 2-nik, tamarmik qaartiterinermi atortussianik § 3, nr. 1-4-mi, taaneqartunik aamma qaartitsissutissanik kukutsissutissanillu § 3, nr. 5-mi, taaneqartunik, qaartiterutissanut naalakkersuisumit akuerisaasumik, passussinissamik angallassinissamillu pikkorissarsimasuusussanik angusisimasuusussanillu, toqqaassaaq. Pikkorissarsimanermut uppersaati assilinera tamatigit nassarneqartassaaq, piumasarineqarpallu takutinneqassalluni.

*Imm. 2.* Pisortaq akisussaasuusooq taassumalu sinniisissai, unioqqutitsillutik qaartiterinermi atortussianik § 3, nr. 1-4-mi, taaneqartunik aamma qaartitsissutissanik kukutsissutissanillu § 3, nr. 5-mi, taaneqartunik, aallaasinik assigisaannilluunniit passussisimaneq atuisimanerluunniit pissutigalugu siornatigit pillangaasimassanngillat. Nalunaarutiginninnermut, tak. § 46, imm. 1, atatillugu tamatumunga uppersaati pinerluteqarsimasinnaanermut allagartamik qaartiterutissanut naalakkersuisooq piumasaqarsinnaavoq.

**§ 46.** Qaartiterutissaasivimmut piginnittup, qaartiterutissaasivimmut pisortatut akisussaasuusooq taassumalu sinniisissai 2-luk kikkeunersut, qaartiterutissanut naalakkersuisumut paasissutissiissutigissavai, tak. § 31, imm. 1, nr. 2, kiisalu nalunaarutigissallugit makkua:

- 1) Atii.
- 2) Najugaat.
- 3) CPR-normui.
- 4) Oqarasuaataasa normui.

*Imm. 2.* Qaartiterutissaasiviup pisortaa akisussaasooq imaluunniit taassuma sinniisissai taarserneqarpata, tamanna erngerluni qaartiterutissaasivimmut piginnittup qaartiterutissanut naalakkersuisumut nalunaarutigissavaa.

**§ 47.** Qaartiterutissaasivimmut pisortap akisussaasuusup nalunaarummi qaartiterutissaasivimmi ingerlatsineq, atortut inissititerneqarnerat aserfallatsaaliuinerlu pillugit aalajangersakkat sukkulluunniit malinneqarnissaat qulakkiissavaa, tassunga ilanngullugu:

- 1) Qaartiterutissaasivik taassumalu ungalui ima pitsaassuseqartuassasut susassaqanngitsunit iserfigineqarsinnaassanatik.
- 2) Qaartiterinermi atortussiat § 3, nr. 1-4-mi, taaneqartut aamma qaartitsissutissat kukutsissutissallu § 3, nr. 5-mi, taaneqartut, toqqorsivimmiittut asiujartunnginnissaat avataaniillu ajoqusiinnaasumik sunniivigineqannginnissaat isumannaatsumik isumagineqarsimassasut.
- 3) Allagartalersuutissat pisariaqartut ikkussorneqarsimassasut aammalu sukkulluunniit ersarissumik atuarneqarsinnaasuussasut.

*Imm. 2.* Qaartiterutissaasivimmut tillinniartoqarpat imaluunniit tillinniariartoqarniarsimagaluarnera malugineqarpat pisortap akisussaasuusup politiit aamma qaartiterutissanut naalakkersuisooq tamanna pillugu kalerrissavai.

*Imm. 3.* Qaartiterutissaasivimmi inuit 18-leereersimasut kisimik sulisinnaapput.

**§ 48.** Qaartiterutissaasivimmut akuersissutip assiliner a imermit pitarneqarnaveerlugu puugaq qaartiterutissaasiviit tarmarmik ilummut sammernannut nipitinneqassaaq.

*Imm. 2.* Qaartiterutissaasivimmi sulisoqartinnagu qaartiterutissaasiviup matui ungaluisalu matui paarnaarsimatinneqassapput.

*Imm. 3.* Qaartiterutissaasivimmut pisortaq akisussaasuusooq imaluunniit taassuma sinniisussai kisimik qaartiterutissaasivimmut ungaluinullu matuersaatinik tigummiaqarsinnaapput. Tamatuma saniatigut qaartiterutissaasivimmut pisortaq akisussaasuusooq qaartiterutissaasivimmut ungaluinullu matuersaatinik sillimmatissanik tigummiaqassaaq.

*Imm. 4.* Ungalut ataatsit iluanni entreprenørit arlallit qaartiterutissaasiveqarnissamut akuersissummik pigisaqarpata, qaartiterutissaasivinnut ataasiakkaanut pisortatut akisussaasuusut taakkualuunniit sinniisussai tamarmik immikkut ungalunut ataatsimoorussanut matuersaatinik pigisaqassapput.

**§ 49.** Qaartiterutissaasivimmut aatsaat isertoqarsinnaavoq qaartiterutissaasivimmut pisortaq akisussaasuusooq taassumaluunniit sinniisussaa ingiallortigalugu. Tamanna aamma, kapitali 12 naapertorlugu nakkutilliisuutinneqartumut, allanullu sulinertik tunngavigalugu qaartiterutissaasivimmik taassumalu imaanik misissuisussaatillutik iserniartunut, atuuppoq.

**§ 50.** Qaartiterutissaasivimmi pisortap akisussaasuusup nalunaarut manna naapertorlugu pisussaaffini eqqortinnerai qaartiterutissaasivimmik piginnittup nakkutigissavaa.

**§ 51.** Illuliortiternermut sanaartornermullu atatillugu qaartiterutissaasivimmik pilersitsisoqarallarsimappat, qaartiterutissaasivimmi piginnittup aamma atuisup akornanni, qaartiterutissaasivimmi pisortap akisussaasuusup suliassai pisussaaffilu, qaartiterutissaasivimmik atuisup suliassarissagai pisussaaffigissagaalu, allaganngorlugu isumaqatigiissutigineqarsinnaavoq.

*Imm. 2.* Ilisimatitsissutitut isumaqatigiissutip assiliner a, imm. 1, malillugu piaartumik qaartiterutissanut naalakkersuisumut nassiunneqassaaq.

## Kapitali 9

### Toqqorsisarneq

#### Aalajangersakkat nalinginnaasut

**§ 52.** Qaartiterinermi atortussiat § 3, nr. 1-4-mi, taaneqartut aamma qaartitsissutissat kukutsissutissallu § 3, nr. 5-mi, taaneqartut, nassiunneqarnerini poortuutaqqaartumik imaluunniit poortutissanik allanik Naalagaaffiit Peqatigiit akuerisanik pooqartillugit toqqortarineqassapput. Poortuutip minnerpaamik saneraani ataatsimi nalunaaqutsiisoqassaaq:

1) Ulorianassutsimut nalunarut sungaartumik aappaluaartumik qalipaartilik, 10x10 centimeteritut angissusilik.

2) Suussutsimi inissisimaffik, suussusiliinerup iluani inissisimaffik aamma ataatsimoortinneqarsinnaasuni sorlarni inissisimaffik.

3) UN-normua aamma teknikkikkut taaguutaa.

*Imm. 2.* Poortuutit ammarsimasut qaartiterutissaasivimmut ilineqaqqinnginnerminni illersorneqarsinnaasumik matuneqassapput.

*Imm. 3.* Poortuutit innarlarsimasut erngerlutik peerneqassapput imaalu atortussat illersorneqarsinnaasumik poortorneqassallutik.

*Imm. 4.* Qaartiterinermi atortussiat § 3, nr. 1-4-mi, taaneqartut aamma qaartitsissutissat kukutsissutissallu

§ 3, nr. 5-mi, taaneqartut maangaannartittoorneqarsimasut piaartumik peerneqassapput imaluunniit suujunnaarsinneqassallutik.

**§ 53.** Qaartiterinermi atortussianik § 3, nr. 1-4-mi, taaneqartunik aamma qaartitsissutissanik kukutsissutissanillu § 3, nr. 5-mi, taaneqartunik qaartiterutissaasivimmi qaleriissuinnermi imatut iliortoqassaaq:

- 1) Poortuutip nalunaaqutsernera erngerluni atuarneqarsinnaassalluni.
- 2) Poortuut innarlerneqarsinnaassanani.
- 3) Qaleriiaarneqartut 1,7 meter sinnerlugu portussuseqassanatik. Portussuseq 1,7 meter qaartiterutissaasiviup iigaani titarnermik aappaluttumik 5 centimeterinik silissusilimmik ersarissumik nalunaarsorneqassaaq.
- 4) Qaleriiaarneqartut qisunnik portoqutserlugit natermiit minnerpaamik 10 centimeterinik qaffaqqatinneqassallutik.
- 5) Qaleriiaarneqartut iikkamiit minnerpaamik 5 centimeterinik akunneqartinneqassallutik.

*Imm. 2.* Illerfinni qaartiterutissaasivinni imaluunniit sikaavinni qaartiterutissaasivinni qaartiterinermi atortussianik § 3, nr. 1-4-mi, taaneqartunik aamma qaartitsissutissanik kukutsissutissanillu § 3, nr. 5-mi, taaneqartunik qaleriissuinnermi imm. 1, nr. 3-5, atuutissanngillat.

#### *Nioqqutissat tiguneqarnerat*

**§ 54.** Qaartiterinermi atortussiat § 3, nr. 1-4-mi, taaneqartut aamma qaartitsissutissat kukutsissutissallu § 3, nr. 5-mi, taaneqartut taamaallaat qaartiterutissaasivimmi pisortamit akisussaasuusumit taassumaluunniit sinniisussaaniit tiguneqarsinnaapput.

**§ 55.** Qaartiterutissaasivimmi pisortap akisussaasuusup taassumaluunniit sinniisussaata nioqqutissat tighnerini misissussavaa:

- 1) Tiguneqartut nassiussat allagartaanni imaluunniit fakturami allassimasunut naapertuunnersut.
- 2) Tiguneqartut piniarlugit allatsinnerini allassimasunut naapertuunnersut.
- 3) Tiguneqartut toqqorsivimmiittuutigineqartut naatsorsuusiorderinut allanneqarnissaat.
- 4) Poortuut nioqqutissap suussusianik, qanoq amerlatiginerinik ukiumilu sumi sanaajunerinik kiisalu sumi sanaajunerannik nalunaaqutserneqarsimanersaq.
- 5) Nioqqutissaq nassiunneqarnerminni poortuutaaqqaartumiitillugu tunniunneqarnersaq.
- 6) Poortuut iluitsuunersaq ajoquserneqarsimannginnersorlu.

**§ 56.** Poortuut innarlarsimappat, ammarneqarsimappat amigaateqarpalluunniit qaartiterinermi atortussiat § 3, nr. 1-4-mi, taaneqartut aamma qaartitsissutissat kukutsissutissallu § 3, nr. 5-mi, taaneqartut, qaartiterutissaasivimmiit tiguneqassanngillat, kisiannili poortoqqinneqassallutik, erngerlutik atorineqassallutik imaluunniit suujunnaarsinneqassallutik.

*Imm. 2.* Qaartiterinermi atortussiat § 3, nr. 1-4-mi, taaneqartut aamma qaartitsissutissat kukutsissutissallu § 3, nr. 5-mi, taaneqartut, atorineqanngitsut, isumaqatigiissuteqarneq naapertorlugu sulereernerup kingorna qaartiterutissaasivimmut utertinneqartillugit, tamatumalu kingorna kingusinnerpaamik ulluinnaat arfineq-marluk qaangiutsinnagit tamakkiisumik ilaannaasumilluunniit aaneqartussaatiillugit, imm. 1 atuutissanngilaq.

#### *Tunniussineq*

**§ 57.** Qaartiterutissaasivimmi pisortap akisussaasuusup qaartiterinermi atortussianik § 3, nr. 1-4-mi, taaneqartunik aamma qaartitsissutissanik kukutsissutissanillu § 3, nr. 5-mi, taaneqartunik tunniussinissamut akisussaasuvoq.

*Imm. 2.* Qaartiterinermi atortussiat § 3, nr. 1-4-mi, taaneqartut aamma qaartitsissutissat kukutsissutissallu § 3, nr. 5-mi, taaneqartut qaartiterutissaasivimmiit tunniunneqarnerminni § 52, imm. 1, naapertorlugu poortuusersorneqarsimassapput.

**§ 58.** Qaartiterinermi atortussianik § 3, nr. 1-4-mi, taaneqartunik aamma qaartitsissutissanik kukutsissutissanillu § 3, nr. 5-mi, taaneqartunik tunniussineq taamaallaat pisinnaavoq:

1) Qaartiterinermi atortussianik § 3, nr. 1-4-mi, taaneqartunik aamma qaartitsissutissanik kukutsissutissanillu § 3, nr. 5-mi, taaneqartunik, pisinissamut atuinissamullu akuersisummik atuuttumik takutitsinikkut.

2) Qaartiterinermi atortussianik § 3, nr. 1-4-mi, taaneqartunik aamma qaartitsissutissanik kukutsissutissanillu § 3, nr. 5-mi, taaneqartunik, atorneqanngitsunik, sulereermermi utertitsisoqanngippat, qaartiterinermi atortussianik § 3, nr. 1-4-mi, taaneqartunik aamma qaartitsissutissanik kukutsissutissanillu § 3, nr. 5-mi, taaneqartunik, toqqortaqaqnisaamut qaartiterutissaasivimmut akuersisummik atuuttumik takutitsinikkut.

3) Qaartiterinermi atortussianik § 3, nr. 1-4-mi, taaneqartunik aamma qaartitsissutissanik kukutsissutissanillu § 3, nr. 5-mi, taaneqartunik, passussinissamik angallassinissamillu pikkorissarsimanermut allagartamik takutitsinikkut, tak. § 81, imm. 3.

4) Rekvisitionimik tunniussinikkut.

*Imm. 2* Rekvisitionimi allassimassapput:

1) Rekvisitionip sananeqarneranut ulluliussaq.

2) Qaartiterinermi atortussiat § 3, nr. 1-4-mi, taaneqartut, annertussusaat qanoq ittuunerilu, suussusaat annertussutsimikkullu uuttuutai.

3) Qaartitsissutissat kukutsissutissallu § 3, nr. 5-mi, taaneqartut, amerlassusaat, qanoq ittuunerilu.

4) Qaartiterinermi pisortap qaartiterisuusussap aqqa.

5) Pisisup aqqa, najugaa oqarasuaataatalu normua.

*Imm. 3.* Rekvisitioni pisisumit qaartiterinermilu pisortamit atsiorneqarsimassaaq.

**§ 59.** Qaartiterutissaasivimmiit qaartiterinermi atortussianik § 3, nr. 1-4-mi, taaneqartunik aamma qaartitsissutissanik kukutsissutissanillu § 3, nr. 5-mi, taaneqartunik, tunniussisoqarniartillugu pisoqaanerpaat siulliullugit tunniunneqartassapput.

#### *Utertitsineq suujunnaarsitsinerlu*

**§ 60.** Suliap naammassinerani imaluunniit suliffeqarfiup matunerani qaartiterinermi atortussiat § 3, nr. 1-4-mi, taaneqartut aamma qaartitsissutissat kukutsissutissallu § 3, nr. 5-mi, taaneqartut, pisisup qaartartuusiviani inatsisit malillugit toqqortaqaquineqarsinnaasut saniatigut sinneqartoorutigineqartut, utertissavai suujunnaarsissallugilluunniit. Qaartiterinermi atortussianik § 3, nr. 1-4-mi, taaneqartunik aamma qaartitsissutissanik kukutsissutissanillu § 3, nr. 5-mi, taaneqartunik tuniniaanissamik akuersisummik peqartumut utertitsisoqassaaq.

**§ 61.** Qaartiterinermi atortussianik § 3, nr. 1-4-mi, taaneqartunik aamma qaartitsissutissanik kukutsissutissanillu § 3, nr. 5-mi, taaneqartunik, tuniniaanissamut akuersisummik pigisaqartoq kinaluunniit, sinneqartoorutaasunik tigussalluni pisussaavoq, qaartiterinermi atortussiat § 3, nr. 1-4-mi,



taaneqartut aamma qaartitsissutissat kukutsissutissallu § 3, nr. 5-mi, taaneqartut nr. 1-5-imi piumasaqaatit naammassisimappasigit:

- 1) Suussuseq qanorlu ittuussuseq taanna suliffeqarfimmi atorineqartarpat toqqortaatigineqartarpallu.
- 2) Taassuma suussuseqataanik qanoq ittuussuseqataanillu siusinnerusukkut qaartiterutissaasivimmit pineqartumit tunniussisoqarsimappat.
- 3) Poortuummi mingoqanngitsumi panertumilu kiisalu suussusaa, annertussusaa, ukioq sananeqarfia sumilu sananeqarfia nalunaaqutserneqarsimappat.
- 4) Isugutammit kissassutsillu nikerarujussuarnerannit sunnerneqarsimanngippat.
- 5) Nr. 1-4-mi allassimasut apeqqutaatinnagit qaartiterutissaasivimmi pisortap akisussaasuusup tigusinissaq isumannaatsutut naliliiffigippagu.

**§ 62.** Isumannaallisaaneq eqqarsaatigalugu pisariaqartinneqarpat, qaartiiterutissanut naalakkersuisup attartornermut akiliuteqartitsinikkut, qaartiterutissaasivimmik piginnittoq peqqusinnaavaa, qaartiterinermi atorussianik § 3, nr. 1-4-mi, taaneqartunik aamma qaartitsissutissanik kukutsissutissanillu § 3, nr. 5-mi, taaneqartunik, pisortanit pigineqartunik toqqortaaqqullugu.

**§ 63.** Qaartiterinermi atorussianik § 3, nr. 1-4-mi, taaneqartunik suujunnaarsitsineq, qaartitsinikkut imaluunniit ikuaallaanikkut pissaaq. Pisortat peqqussutaasigut allatigut piumasarineqarsimappat, ikuaallaalinnginnermi, pisortanit oqartussaasunit ikuaallaanissamut akuersisummik qinnuteqartoqaqqaassaaq. Qaartitsissutissanik kukutsissutissanillu § 3, nr. 5-mi, taaneqartunik suujunnaarsitsineq, qaartitsinikkut pissaaq.

*Imm. 2.* Suujunnaarsitsinermi isumannaallisaatit, isumannaallisaanermi ungasissuserititassat ileqqullu tunngaviusut nalinginnaasumik qaartitsisarnermi malinneqartartut malinneqassapput.

*Imm. 3.* Suujunnaarsitsinissaq taamaallaat qaartiterinermi pisortamit akuerisamit isumagineqarsinnaavoq.

*Imm. 4.* Piginnittoq pisussaavoq qaartiterinermi atorussiat § 3, nr. 1-4-mi, taaneqartut aamma qaartitsissutissat kukutsissutissallu § 3, nr. 5-mi, taaneqartut ulloq sananeqarfiannit naatsorsukkamik ukiunit pingasunit pisoqaanerusut suujunnaarsissallugit.

#### *Nakkutilliinermut allattuiviit*

**§ 64.** Kinaluunniit, qaartiterinermi atorussianik § 3, nr. 1-4-mi, taaneqartunik aamma qaartitsissutissanik kukutsissutissanillu § 3, nr. 5-mi, taaneqartunik, toqqorsivissatut qaartiterutissaasivimmik akuerisaassumik piginnittoq, qaartiterutissaasivinnut, qaartiterinermi atorussianik § 3, nr. 1-4-mi, taaneqartunik aamma qaartitsissutissanik kukutsissutissanillu § 3, nr. 5-mi, taaneqartunik, 50 kiilut sinnerlugit toqqorsivineqarsinnaasutut akuerisani tamaginni, qaammatisiutit malillugit ukiup ilivitsup ingerlanerani, qaartiterinermi atorussianit § 3, nr. 1-4-mi, taaneqartunit aamma qaartitsissutissanit kukutsissutissanillu § 3, nr. 5-mi, taaneqartunit ilanngaaticigineqartut ilassutigineqartullu tamaasa, kiisalu suujunnaarsitsinerup kingunerisaanik ilanngaaticigineqartut, nakkutiginninnermut allattuivinnut allattussavai.

*Imm. 2.* Qaammatisiutit malillugit ukiumut pineqartumut nakkutiginninnermut allattuiviit:

- 1) Elektroniskinnngorlugit aamma naqitanngorlugit minnerpaamik ukiuni 5-ni toqqortarineqassapput.
- 2) Qeratasuumik ungaloqassapput quppernerilu normulersugaassallutik, quppernerilu aalajangersimasut nusoqqusaassanngillat.
- 3) Qarasaasiakkut aningaasaqarnermik aqutsissut akuerisaq atorlugu allattorneqassapput, taannalu minnerpaamik sapaatip akunneranut ataasiarlugu backup-iliorneqartassaaq.

4) Qaartiterutissaasivimmi pisortamit akisussaasuusumit paarineqassapput, aammalu qaartiterutissaasivimmut qimanneqanngisaannassallutik.

5) Ulluisa tulleriinneri malillugit tulleriinneqassapput, qarasaasiakkut naatsorsuusiorderusinnaasut apeqqutaatinagit. Naqqiinerit taamaallaat allareersimasat titarlugit nutaamik allaqqinnerisigut pisinnaavoq.

*Imm. 3.* Qaartiiterutissanut naalakkersuisoq nakkutiginninnermut allattuiviit assilinerinik tunineqarnissaminik qaartiterutissaasivimmik piginnittumut piumasaqarsinnaavoq.

**§ 65.** Qaartiterutissaasiviup nakkutilliiffigineqarnerani nakkutiginninnermut allattuiviit nakkutilliisumut takutinneqassapput, nakkutilliisullu nakkutilliinnermini nakkutiginninnermut allattuiviit atsiussavai, aammalu nakkutilliinerup pissutissaqalersitsinerata kingunerisaanik oqaaseqaatini peqqussutinilu allassallugit, taamatullu qarasaasiakkut naatsorsuusiukkat nakkutilliisumut takutinneqassapput.

**§ 66.** Qaartiterutissaasiviup illutaanik iluarsaassinerit aserfallatsaaliunerit allannguinerillu, taamatullu ulloq suliaassap suliarineqarfia naammassineqarfialu, nakkutiginninnermut allattuivinnut allanneqassapput.

#### *Peqqissaarnissamut malittarisassat aserfallatsaaliunerlu*

**§ 67.** Qaartiterinnermi atortussiat § 3, nr. 1-4-mi, taaneqartut aamma qaartitsissutissat kukutsissutissallu § 3, nr. 5-mi, taaneqartut, niooqqarneqarnerini usilersuunneqarnerinilu qamutit assakaasullit motooriat uninngatinneqassaaq. Tamannali atuutissanngilaq qamutit assakaasullit hydraulik-iata, niooqqaanermi atorneqarnera pissutigalugu, qamutit assakaasullit motooriat ingerlaatinneqartariaqarpat.

*Imm. 2.* Qaartiterutissaasiviup ungaluisa iluanni pujortarneq innermillu ikitsinissaq inerteqqutaapput.

**§ 68.** Qaartiterutissaasiviup silataani qaartiterinnermi atortussiat § 3, nr. 1-4-mi, taaneqartut aamma qaartitsissutissat kukutsissutissallu § 3, nr. 5-mi, taaneqartut, poortorneqarsimasut, allamut usilersuunneqartussanngornerini, mingoqanngitsumik panertumillu allequtserneqassapput.

*Imm. 2.* Qaartiterinnermi atortussianik § 3, nr. 1-4-mi, taaneqartunik aamma qaartitsissutissanik kukutsissutissanillu § 3, nr. 5-mi, taaneqartunik, ataatsikkut tiguserinnermi, qaartiterinnermi atortussiat § 3, nr. 1-4-mi, taaneqartut aamma qaartitsissutissat kukutsissutissallu § 3, nr. 5-mi, taaneqartut niooqqarneqarlutik inissaannut iliorarneqannginnerini, qaartitsissutissat kukutsissutissallu niooqqarneqaaqqaassapput inissaannullu iliorarneqarlutik.

*Imm. 3.* Qaartiterinnermi atortussiat § 3, nr. 1-4-mi, taaneqartut aamma qaartitsissutissat kukutsissutissallu § 3, nr. 5-mi, taaneqartut, ataatsikkut tunniunneqarnerini, qaartitsissutissat kukutsissutissallu § 3, nr. 5-mi, taaneqartut, tunniunneqannginnerini usilersuunneqannginnerinilu, qaartiterinnermi atortussiat § 3, nr. 1-4-mi, taaneqartut, tunniunneqarsimassapput usilersuunneqarsimassallutillu.

*Imm. 4.* Kukutsissutissaq imusamit ilivitsumit annikinnerusoq tunniunneqassappat, imusamiillu kipisisoqassappat, kukutsissutissaq qisummik minguiinnartumik panertumillu allequtserlugu, savik ipittoq atorlugu kipisisoqassaaq.

**§ 69.** Poortuutit atoreersimasut ikumatitsivimmut matoqqasumut qisugineqassanngillat, kisiannili anniksukkaarlugit ikumatitamut ammasumut ikuallanneqassallutik, ikumatitarlu qaartiterutissaasivimmiit inunniillu minnerpaamik 25 meterinik ungasissusilimmiitinneqassaaq. Pisortat peqqussutaasigut allatigut piumasarineqarsimappat, ikuallaalinnginnermi, pisortanit oqartussaasunit ikuallaanissamut akuersissummik qinnuteqartoqaqqaassaaq.

**§ 70.** Qaartiterutissaasivimmut pisortap akisussaasuusup, qaartiterutissaasiviup taassumalu avatangiisaasa eqqiluisaartinneqartuarnissaat torersuutinneqartuarnissaallu isumagissavaa.

*Imm. 2.* Eqqiaanermi puuiaanermilu taamaallaat sakkut atorneqarnerminni innaallannermik pilersitsisinnaanngitsut atorneqassapput.

*Imm. 3.* Qaartiterutissaasivimmut inuit saviminertalinnik imaluunniit saviminernik kikiattalinnik kamippallit iseqqusaanngillat.

**§ 71.** Qaartiterutissaasivimmut pisortap akisussaasuusup, qaartiterutissaasivimmi taassumalu ungaluini aserortut suulluunniit erngerluni iluarsissavai.

*Imm. 2.* Iluarsaassinerit aserfallatsaaliuinerillu, qaammaqqusersuutit atorlugit qaammaqquteqarnissamik pisariaqartitsiviusut imaluunniit sakkunik innaallagiamoortunik atorneqarnerminni innaallatsitsisinnaasunik atortoqarfusussat, inini qaartiterinermi atortussianik § 3, nr. 1-4-mi, taaneqartunik aamma qaartitsissutissanik kukutsissutissanillu § 3, nr. 5-mi, taaneqartunik, toqqorsiviusuni suliarineqassanngillat.

*Imm. 3.* Qaartiterutissaasivinni qaammartartut batteriitortut qaartoorutaasinnaajunnaarlugit isumannaallisarsimasut kisimik atorneqassapput. Batteriinik pærinillu taarsiineq taamaallaat qaartiterutissaasiviup avataani pisassaaq.

*Imm. 4.* Mobiltelefonit, assiliissutit atortullu elektroniskiusut allat qaartiterutissaasivimmut eqquteqqusaanngillat.

## **Kapitali 10**

### *Allagartalersuineq kalerrisaarisarnerlu*

#### *Aalajangersakkat ataatsimoorussat*

**§ 72.** Suliffiit qaartiteriffusut, allagartaliinikkut nalunaaqutserneqarsimassapput, tassanilu suliap ulorianassusia paasissutissiissutigineqassaaq, kiisalu qaartitsilernerminni nilliatitsinikkut kalerrisaarineq atorneqartassasoq paasissutissiissutigineqassalluni.

**§ 73.** Kalerrisaarinermi kalerrisaarutit imaluunniit kalerrisaarinermi atortut ikuallattoornermut kalerrisaarutaanasorineqarsinnaasut atoqqusaanngillat. Kiisalu aamma:

1) Kalerrisaarineq qaartitsinissaq sekundinik 90-inik sioqqullugu aallartinneqassaaq, nilliatitsinerlu sekundit 6-it inornagit sivilissuseqartinneqassaaq.

2) Qaartitsinissaq sioqqullugu sekundini 30-ni ataannartumik nilliatitsinikkut kalerritutigineqassaaq, sumiiffullu ulorianartorsiorfusup aqutiginerani ulorianaateqarsinnaasut suulluunniit qaangiutsinnagit nilliatitsineq ingerlatiinnarneqassaaq.

**§ 74.** Qaartiterinermi pisortaasup sumiiffiup ulorianartorsiorfusup ersarissumik imalu annertutigisumik nalunaarsorneqarnissaa qulakkiissavaa, taamaalilluni sumiiffimmi ulorianartorsiorfimmiittut tamarmik ulorianartorsiorfusup annertussusianik ersarissumik paasitinneqassallutik.

*Imm. 2.* Qaartiterinermi pisortaasup sumiiffik ulorianartorsiorfusoq ersarissarlugu killissalissavaa, taamaalilluni qaartitsinermit atatillugu inunnik atortunillu ajoqusiisinnaaneq annikillissallugu.

*Imm. 3.* Nalunaarsuinerminni allagartaq ilanngussaq 4-mi takutinneqartoq atorneqassaaq. Allagartaq qernertumik sinilerneqassaaq naqinnerillu qernertut atorlugit allannertaqartinneqassalluni aammalu sungaartumik tunuliaqutaqassalluni. Allagartaq minnerpaamik 40x40 centimeterinik angissuseqassaaq.

**§ 75.** Allagartap § 74, imm. 3-mi, taaneqartup qanitaanut, allagartaq qaamanermik seqersitsisartoq, nunat tamalaat akornanni qaartoqarnerani ulorianartorsiorfusunut ilisarnaatitut atorneqartoq,

inissinneqassaaq. Allagartaq qaamanermik seqersitsisartog minnerpaamik 40x40 centimeterimik angissuseqassaaq.

**§ 76.** Illoqarfiit nunaqarfillu killeqarfisa iluanni qaatitsinermi ataatsimi qartiterinermi atortussianit § 3, nr. 1-4-mi, taaneqartunit 10 kiilut sinnerlugit atorlugit qartitsinissaq naatsorsuutigineqarpat, tamanna nalunaaquttap akunneranik ataatsimik sioqqullugu politiinut nalunaarutigineqassaaq.

**§ 77.** Qartiterutissaasiviup ungaluisa killilikkat matuanni aamma qartiterutissaasiviup iigaani silarlarni matuinilu allagarsiisoqassaaq, imatut allassimasumik: "Navialiffusinnaavoq/Farligt område/Danger – explosives – keep out" kiisalu imatut allassimasumik: "Pujortarnek Innermillu atuneq inertequtaapput/Tobaksrygning og brug af åben ild forbudt/Danger – no smoking, no naked flames, no matches".

*Imm. 2.* Allagartat imm. 1-mi taaneqartut minnerpaamik 40x40 centimeterimik angissuseqassapput. Allagartaq qernertumik sinilerneqassaaq, naqinnerillu qernertut atorlugit allannertaqartinneqassalluni aammalu sungaartumik tunuliaqutaqassalluni.

*Imm. 3.* Imm. 1-2, illerfinnut qartiterutissaasivinnut, sikaavinnut qartiterutissaasivinnut aamma containerinut sisannut illerfimmik qartiterutissaasivimmik imaluunniit sikaavimmik qartiterutissaasivimmik imaqartunut, atuutissanngillat.

**§ 78.** Qamutit assakaasullit benziinamik dieselimilluunniit ikummatillit, qartiterinermi atortussianik § 3, nr. 1-4-mi, taaneqartunik aamma qartitsissutissanik kukutsissutissanillu § 3, nr. 5-mi, taaneqartunik, assartuinnermut atorneqartut, ulorianartorsionnermut mianersoqqussutinin sungaartoq aappaluartumik nalunaaqutserneqarsimassapput. Allagartap naqqa 40 centimeteriussaaq portussusaalu 30 centimeteriussalluni. Tamatuma saniatigut allagartat qaamanermik seqertitsisartuussapput aammalu sinaasa titarneri qernertut 1,5 centimeterinik issussuseqassallutik, kiisalu sanimoortuutillugit qamutit assakaasuisaa saannut tunuannullu ikkunneqarsimassallutik.

*Imm. 2.* Imm. 1 naapertorlugu qamutit assakkasullit saneraasigut illugiinnik tunuanilu, ulorianartoqarneranut allagartalersorsimassapput.

*Imm. 3.* Imm. 2 naapertorlugu ulorianartoqarneranut allagarsiussat minnerpaamik 25x25 centimeterinik angissuseqassapput, aammalu suussusiliinerup iluani inissisimaffiup ilisarnaataanik aamma ataatsimoortinneqarsinnaasuni sorlarni inissisimaffiup ilisarnaataanik naqinnemik, nassiasat poortuutaanni ilisarnaasiussat assigninik nalunaaqutserneqarsimassallutik.

#### *Illerfiit, sikaaviit containerillu sisaat qartiterutissaasiviit*

**§ 79.** Illerfiup qartiterutissaasiviup imaluunniit sikaaviup qartiterutissaasiviup ungaluisa killilikkat aamma containerip sisammik sanaajusup, illerfimmik qartiterutissaasivimmik imaluunniit sikaavimmik qartiterutissaasivimmik imallip ungaluisa matuanni, kiisalu illerfiup qartiterutissaasiviup imaluunniit sikaaviup qartiterutissaasiviup qaavani imaluunniit containerip sisammik sanaajusup silataata iigaani silarlarni allagarsiisoqassaaq, imatut allassimasumik: "Navialiffusinnaavoq/Farligt område/Danger – explosives – keep out" kiisalu imatut allassimasumik: "Pujortarnek Innermillu atuneq inertequtaapput/Tobaksrygning og brug af åben ild forbudt/Danger – no smoking, no naked flames, no matches".

*Imm. 2.* Allagartat imm. 1-mi taaneqartut minnerpaamik 40x40 centimeterinik angissuseqassapput. Allagartat qernertumik sinilerneqassapput, naqinnerillu qernertut atorlugit allannertaqartinneqassallutik aammalu sungaartumik tunuliaqutaqassallutik.

## Kapitali 11

### Assartuineq

#### *Aalajangersakkat nalinginnaasut*

**§ 80.** Qaartiterinermi atortussiat § 3, nr. 1-4-mi, taaneqartut aamma qaartitsissutissat kukutsissutissallu § 3, nr. 5-mi, taaneqartut, assartuutinit ukunannga allaanerusut atorlugit assartoqqusaanngillat:

- 1) Timmisartog imaluunniit qulimiguulik.
- 2) Umiarsuaq.
- 3) Qamutit assakaasullit benziinamik imaluunniit dieselimik ikummateqartut.
- 4) Immakkut angallat.
- 5) Qimusseq.
- 6) Pisuinnarluni.

**§ 81.** Akoorutissianik atortussianillu § 3, nr. 1-4-mi, taaneqartunik aamma qaartitsissutissanik kukutsissutissanillu § 3, nr. 5-mi, taaneqartunik, assartuinermi ataatsimi assartorneqartut amerlassusaat killeqartinneqassapput piffissarlu assartuiffusoq sapinngisamik sivikinnerpaatinneqassalluni.

*Imm. 2.* Qaartiterinermi atortussianik § 3, nr. 1-4-mi, taaneqartunik aamma qaartitsissutissanik kukutsissutissanillu § 3, nr. 5-mi, taaneqartunik assartuinermi:

- 1) Assartuineq peqqissaartumik mianersortumillu ingerlanneqassaaq.
- 2) Sapinngisamik assartuut naleqqunnerpaaq atorneqassaaq.
- 3) Assartuinermi aqqutissat, ajutoornermi annikinnerpaamik kingunerluuteqarfusussat toqqarneqassapput.
- 4) Qaartiterinermi atortussianik § 3, nr. 1-4-mi, taaneqartunik aamma qaartitsissutissanik kukutsissutissanillu § 3, nr. 5-mi, taaneqartunik, imminnut qanittunik sanaartorfusut, atuarfiit, mittarfillu sanioqqullugit, 250 kiilu sinnerlugu oqimaassusilinnik assartuisoqarniartillugu, politiit ilisimatinneqassapput.
- 5) Assartuineq toqqaannartumik aqquataani unigani ingerlanneqassaaq.

*Imm. 3.* Kinaluunniit qaartiterinermi atortussianik § 3, nr. 1-4-mi, taaneqartunik aamma qaartitsissutissanik kukutsissutissanillu § 3, nr. 5-mi, taaneqartunik, qamutit assakaasullit motoorillit atorlugit assartuisoq, qaartiterinermi atortussianik § 3, nr. 1-4-mi, taaneqartunik aamma qaartitsissutissanik kukutsissutissanillu § 3, nr. 5-mi, taaneqartunik, passussinissamut assartuinissamullu pikkorissartitsinermik qaartiiterutissanut naalakkersuisup akuerisaanik ingerlatsisimassaaq angusisimassallunilu. Pikkorissarsimanermut uppernarsaatip assilinera tamatigut nassarneqartassaaq, piумаaffigineqarnermilu takutinneqartassalluni.

*Imm. 4.* Qamutitik assakaasulinnik motoorilinnik, qaartiterinermi atortussianik § 3, nr. 1-4-mi, taaneqartunik aamma qaartitsissutissanik kukutsissutissanillu § 3, nr. 5-mi, taaneqartunik, assartuutaasunik ingerlatitsisusoq, minnerpaamik ukiuni marlunni qamutitik assartuutitik taamaattumik ingerlatitsinissamut misilittagaqarsimassaaq.

**§ 82.** Qaartiterinermi atortussianik § 3, nr. 1-4-mi, taaneqartunik aamma qaartitsissutissanik kukutsissutissanillu § 3, nr. 5-mi, taaneqartunik, 250 kiilut sinnerlugit assartuinermi, qamutini assakaasulinni issimasut minnerpaamik marluussapput, tassalu aquttoq ikiortilu. Aammattaaq maleruagassat uku atuupput:

1) Motoori unittoorpat imaluunniit angallannermi ajornartorsiortoqarpat, aquttup qamutit assakaasullit qimassanngilai, ikiortaasullu angallattut inuillu allat qanitaminniittut mianersoqqullugit kalerrissavai.

2) Qamutit assakaasullit ikuallalissagaluarpata, aquttup ikiortaatalu erngerlutik inneq qamisarniarlugu misilissavaat.

3) Usit ikuallalissagaluarpata, aquttup ikiortaatalu erngerlutik eqqaminniittut qimagussortissavai, aammalu inneq qaminniarsarissanngilaat.

**§ 83.** Assartuinermi ataatsimi qamutitik assakaasulinnik pineqartunik assartorneqarsinnaasut annerpaamik qaartiterinermi atortussiat § 3, nr. 1-4-mi, taaneqartut aamma qaartitsissutissat kukutsissutissallu § 3, nr. 5-mi, taaneqartut amerlassusissaattut ilanngussaq 5-mi taaneqartut annertussuseqassapput.

**§ 84.** Qamutit assakaasullit, qaartiterinermi atortussianik § 3, nr. 1-4-mi, taaneqartunik aamma qaartitsissutissanik kukutsissutissanillu § 3, nr. 5-mi, taaneqartunik, assartuutaasut kinngussappata, sumiiffiup matuneqarnissaa usillu kinngussunneqartut peerneqarnissaat eqqarsaatigalugit aquttup politiit erngerluni aggersassavai.

*Imm. 2.* Sumiiffik ajutoorfiusoq susassaqanngitsunit tikinneqarnaveerlugu matuneqassaaq. Aquttup piaartumik, pisortaq qaartiterutissaasivimmut tiguisussamut akisussaasuusoq, ajutoorneq pillugu ilisimatissavaa.

**§ 85.** Sillimanissaq eqqarsaatigalugu pisariaqartinneqarpat, qaartiiterutissanut naalakkersuisoq politiilluunniit imminnut attuumassuteqanngitsumik aalajangiisinnaapput qaartiterinermi atortussianik § 3, nr. 1-4-mi, taaneqartunik aamma qaartitsissutissanik kukutsissutissanillu § 3, nr. 5-mi, taaneqartunik, assartuineq, aqutit aalajangersimasut, pinngitsaaliissummik aqutissat, aqutigalugit pisassasoq, taamatullu qaartiiterutissanut naalakkersuisoq politiilluunniit aalajangiisinnaapput, assartuineq taamaallaat piffissani immikkut ittumik aalajangikkani pisassasoq.

*Imm. 2.* Qaartiiterutissanut naalakkersuisup politiilluunniit pinngitsaaliissummik aqutissat aalajangiinerat, najukkami nalunaarummi tamanut saqqummiinikkut, nalunaarutigineqarsinnaavoq.

*Imm. 3.* Qaartiiterutissanut naalakkersuisup politiillu akornanni, pinngitsaaliissummik aqutsissat ilalu ilanngullugit pillugit, tak. imm. 1 aamma 2, isumaqatigiinngittoqarnerani, politiit inassutaat malinneqassaaq.

**§ 86.** Qaartiterinermi atortussianik § 3, nr. 1-4-mi, taaneqartunik aamma qaartitsissutissanik kukutsissutissanillu § 3, nr. 5-mi, taaneqartunik, umiarsuakkut imaluunniit timmisartukkat assartuineq, sapinngisamik sumiiffimmut atuiffissamut toqqaannartumik pissaaq.

**§ 87.** Assartorneqartut annertussusaat imaluunniit isumannaallisaanermut tunngasut pissutigalugit pisariaqartillugu, qaartiiterutissanut naalakkersuisoq aalajangersinnaavoq, qaartiterinermi atortussianik § 3, nr. 1-4-mi, taaneqartunik aamma qaartitsissutissat kukutsissutissallu § 3, nr. 5-mi, taaneqartut assartuinermi ADR-imi maleruagassat tamakkiisumik ilaannakuusumilluunniit naapertorlugit pissasoq.

**§ 88.** Qamutit assakaasullit, qaartiterinermi atortussianik § 3, nr. 1-4-mi, taaneqartunik aamma qaartitsissutissanik kukutsissutissanillu § 3, nr. 5-mi, taaneqartunik, assartuisut, qullermik mianersoqqussutitut ikittaartartumik qaammartartunillu batteriilinnik marlunnik, nassataqassapput.

**§ 89.** Qamutit assakaasullit benziinamik imaluunniit dieselimik ikummatillit atorlugit qaartiterinermi atortussianik § 3, nr. 1-4-mi, taaneqartunik aamma qaartitsissutissanik kukutsissutissanillu § 3, nr. 5-mi, taaneqartunik, 250 kiilut angullugit annertussusilinnik assartuinermi, qatserutit qajuusaasanik imallit 2 kiilukkaat akuerisat ikinnerpaamik 2-luk, nassarneqassapput.

*Imm. 2.* Qamutit assakaasullit benziinamik imaluunniit dieselimik ikummatillit atorlugit qaartiterinermi atorussianik § 3, nr. 1-4-mi, taaneqartunik aamma qaartitsissutissanik kukutsissutissanillu § 3, nr. 5-mi, taaneqartunik, 250 kiilut sinnerlugit annertussusilinnik assartuinermi, qatserutit qajuusaasanik imallit 6 kiilukkaat akuerisat ikinnerpaamik 2-luk, nassarneqassapput.

*Imm. 3.* Assartuutit allat atorlugit, qaartiterinermi atorussianik § 3, nr. 1-4-mi, taaneqartunik aamma qaartitsissutissanik kukutsissutissanillu § 3, nr. 5-mi, taaneqartunik, assartuinermi, qatserut qajuusaasanik imalik 2 kiilunik oqimaassusilik akuerisaq minnerpaamik 1, nassarneqassaaq.

**§ 90.** Qamutit assakaasullit benziinamik dieselimilluunniit ikummatillit, qaartiterinermi atorussianik § 3, nr. 1-4-mi, taaneqartunik aamma qaartitsissutissanik kukutsissutissanillu § 3, nr. 5-mi taaneqartunik, assartuinermi atorineqartut, ingerlanneqarnermikkut isumannaallisaanerlu eqqarsaatigalugu, isumannaatsumik pitsaassuseqassapput.

*Imm. 2.* Qaartiterinermi atorussianik § 3, nr. 1-4-mi, taaneqartunik aamma qaartitsissutissanik kukutsissutissanillu § 3, nr. 5-mi, taaneqartunik, assartorneqartunik piginnittoq, imm. 1 naapertorlugu piumasaqaataasut naammassineqarnissaannut, akisussaasuvoq.

**§ 91.** Assartuutigineqartussaq aaqqissugaassaaq qaartiterinermi atorussiat § 3, nr. 1-4-mi, taaneqartut aamma qaartitsissutissat kukutsissutissallu § 3, nr. 5-mi, taaneqartut, qajannaatsumik aalajangerlugillu usilersuunneqarsinnaassallutik. Usilersuinermi ingerlaarnermilu innaallattoqarsinnaassanngilaq, soorlu savimerngup saviminermut allamut kalluunneratigut.

*Imm. 2.* Qaartiterinermi atorussiat § 3, nr. 1-4-mi, taaneqartut aamma qaartitsissutissat kukutsissutissallu § 3, nr. 5-mi, taaneqartut poortuutissanik § 52, imm. 1, naapertorlugu poortuuteqartinneqarlutik assartorneqassapput. Poortuutit ammarnaveerlugit, mingutsinneqarnaveerlugit isugutsertinneqarnaveerlugillu illersorneqassapput.

**§ 92.** Qaartiterinermi atorussiat § 3, nr. 1-4-mi, taaneqartut aamma qaartitsissutissat kukutsissutissallu § 3, nr. 5-mi, taaneqartut, assartorneqarnerminni kissamut, innermut innaallagissallu innaallanneranut illersorneqassapput.

*Imm. 2.* Qaartiterinermi atorussianik § 3, nr. 1-4-mi, taaneqartunik aamma qaartitsissutissanik kukutsissutissanillu § 3, nr. 5-mi, taaneqartunik assartuinermi, usingiaanermi usilersuinermilu pujortarneq inerteqqutaavoq.

*Imm. 3.* Qaartiterinermi atorussiat § 3, nr. 1-4-mi, taaneqartut aamma qaartitsissutissat kukutsissutissallu § 3, nr. 5-mi, taaneqartut, assartorneqarnerini tunisassiat taakku imminnut minnerpaamik meterimik ataatsimik ungasitsigisunngorlugit ilineqarnissaat, aammalu ingerlaarnermi ungasissusissap tamatuma attatiinnarnissaa qulakkeerneqassaaq.

**§ 93.** Kapitalimi matumani maleruagassat malillugit angallassineq ingerlanneqarnersoq nakkutiginiarlugu, qamutit assakaasullit qaartiterinermi atorussianik § 3, nr. 1-4-mi, taaneqartunik aamma qaartitsissutissanik kukutsissutissanillu § 3, nr. 5-mi, taaneqartunik angallassisut kiisalu qamutit assakaasullit usii, politiit misissorsinnaavaat.

#### *Umiarsuarmik assartuineq*

**§ 94.** Umiarsuarmik assartuinermi qaartiterinermi atorussiat § 3, nr. 1-4-mi, taaneqartut aamma qaartitsissutissat kukutsissutissallu § 3, nr. 5-mi, taaneqartut, umiarsuup sinaatigut assartuummut, § 80-imi taaneqartumut toqqaannartumik niuneqassapput, imaluunniit § 95, imm. 3-mi, nunaminertamut taaneqartumut ilineqarallassallutik.

**§ 95.** Qaartiterinermeri atortussianik § 3, nr. 1-4-mi, taaneqartunik aamma qaartitsissutissanik kukutsissutissanillu § 3, nr. 5-mi, taaneqartunik, Kalaallit Nunaannukartumik umiarsuarmik angallassisup (aallarussisup) tunniussisoqartinnagu nakkutigissavaa, tiguisusssaq qaartiterinermeri atortussianik § 3, nr. 1-4-mi, taaneqartunik aamma qaartitsissutissanik kukutsissutissanillu § 3, nr. 5-mi, taaneqartunik, eqquassinissamik akuersisummik atuuttumik pigisaqartoq.

*Imm. 2.* Qaartiterinermeri atortussianik § 3, nr. 1-4-mi, taaneqartunik aamma qaartitsissutissanik kukutsissutissanillu § 3, nr. 5-mi, taaneqartunik, umiarsualivimmi tikiffissami tiguisusssap aqqa oqarasuaataatalu normua aallarussisup pissarsiarissavaa.

*Imm. 3.* Umiarsualivimmi nunaminertamik qaartiterinermeri atortussiat § 3, nr. 1-4-mi, taaneqartut aamma qaartitsissutissat kukutsissutissallu § 3, nr. 5-mi, taaneqartut imm. 5 naapertorlugu aaneqarnissaasa tungaanut inissiiviugallarsinnaasumik peqartoqarnissaa umiarsualivimmut oqartussaasup isumagissavaa. Nunaminertaq pigineqartoq umiarsualivimmut oqartussaasumit allarussisumut uppersarneaqqaartinnagu, qaartiterinermeri atortussiat § 3, nr. 1-4-mi, taaneqartut aamma qaartitsissutissat kukutsissutissallu § 3, nr. 5-mi, taaneqartut, aallarussisup angallakkumannngissinnaavai. Nunaminertami qatserutit qajuusaasanik imallit 6 kiilukkaat akuerisat ikinnerpaamik 2-luk pigineqassapput.

*Imm. 4.* Qaartiterinermeri atortussiat § 3, nr. 1-4-mi, taaneqartut aamma qaartitsissutissat kukutsissutissallu § 3, nr. 5-mi, taaneqartut, umiarsuarmit niuneqannginnerini kingusinnerpaamik minutsit 15-it sioqqullugit, qaartiterinermeri atortussiat § 3, nr. 1-4-mi, taaneqartut aamma qaartitsissutissat kukutsissutissallu § 3, nr. 5-mi, taaneqartut, niuneqarniartut aallarussisup tiguisusssamut nalunaarutigissavaa.

*Imm. 5.* Qaartiterinermeri atortussiat § 3, nr. 1-4-mi, taaneqartut aamma qaartitsissutissat kukutsissutissallu § 3, nr. 5-mi, taaneqartut, umiarsuarmit nunaminertamut imm. 3-mi taaneqartumut niuneqarnerannit, kingusinnerpaamik nalunaaquttap akunnerisa marluk qaangiunnerini, qaartiterutissaasivimmut akuerisamut erniinnaartumik assartuinissaq siunertaralugu, tiguisusssap qaartiterinermeri atortussiat § 3, nr. 1-4-mi, taaneqartut aamma qaartitsissutissat kukutsissutissallu § 3, nr. 5-mi, taaneqartut, assartuutissamut, tak. § 80, usilersuullugit aallartissimassaaq,

*Imm. 6.* Qaartiterinermeri atortussiat § 3, nr. 1-4-mi, taaneqartut aamma qaartitsissutissat kukutsissutissallu § 3, nr. 5-mi, taaneqartut, umiarsuarmit niuneqarnerannit aammalu imm. 3-mi taaneqartumut nunaminertamut inissinneqarnerannit, imm. 5-mi taaneqartumi, kingusinnerpaamik nalunaaquttap akunnerisa 48-it qaangiunnerini, tiguisusssap, qaartiterinermeri atortussiat § 3, nr. 1-4-mi, taaneqartut aamma qaartitsissutissat kukutsissutissallu § 3, nr. 5-mi, taaneqartut, usilersuutinngippagit, qaartiterinermeri atortussiat § 3, nr. 1-4-mi, taaneqartut aamma qaartitsissutissat kukutsissutissallu § 3, nr. 5-mi, taaneqartut, aaneqarsimannngitsut tiguisusssamut akiligassanngorlugu aallarussisup suujunnaarsisinnaavai, tak. § 63.

*Imm. 7.* Qaartiterinermeri atortussiat § 3, nr. 1-4-mi, taaneqartut aamma qaartitsissutissat kukutsissutissallu § 3, nr. 5-mi, taaneqartut, nunaminertamut imm. 3-mi taaneqartumut inissisimanerini, nunaminertaq qatserisartuni pigaartunit, qaartiterinermeri atortussianik § 3, nr. 1-4-mi, taaneqartunik aamma qaartitsissutissat kukutsissutissallu § 3, nr. 5-mi, taaneqartut passussinissamik sungiussimasunit ikinnerpaamik 2-nit ingerlaavartumik nakkutigineqassaaq.

*Imm. 8.* Qaartiterinermeri atortussiat § 3, nr. 1-4-mi, taaneqartut aamma qaartitsissutissat kukutsissutissallu § 3, nr. 5-mi, taaneqartut imm. 3-mi taaneqartumi nunaminertamiilerpata, piaartumik politiit



ilisimatinneqassapput, ilanngullugu piffissap imm. 3-mi taaneqartumi nunaminertamiititsinerup sivilissusaannik allannguisoqarnera.

**§ 96.** Qaartiterinermi atortussiat § 3, nr. 1-4-mi, taaneqartut aamma qaartitsissutissat kukutsissutissallu § 3, nr. 5-mi, taaneqartut, umiarsuaq alla atorlugu umiarsualivimmut apuuffissaannut ingerlateqqitassanngorlugit, umiarsuarmik umiarsualivimmut tikiunneqarpata, qaartiterinermi atortussiat § 3, nr. 1-4-mi, taaneqartut aamma qaartitsissutissat kukutsissutissallu § 3, nr. 5-mi, taaneqartut, umiarsuarmit umiarsuarmut allamut toqqaannartumik usilersuunneqassapput.

*Imm. 2.* Umiarsuarmit umiarsuarmut allamut imm. 1 naapertorlugu usilersuussinissaq atortut sulinerluunniit peqqutigalugu ajornarlunnassappat, qaartiterinermi atortussiat § 3, nr. 1-4-mi, taaneqartut aamma qaartitsissutissat kukutsissutissallu § 3, nr. 5-mi, taaneqartut nunaminertamut § 95, imm. 3-mi, taaneqartumut nalunaaqutap akunneri 48-t tikillugit uninngatinneqarsinnaapput. Tamatuma kingorna qaartiterinermi atortussiat § 3, nr. 1-4-mi, aamma qaartitsissutissat kukutsissutissallu § 3, nr. 5-mi, taaneqartut taaneqartut qaartiterutissaasivimmut akuerisamut inissinneqassapput imaluunniit umiarsuarmut qaartiterinermi atortussianik § 3, nr. 1-4-mi, taaneqartunik aamma qaartitsissutissanik kukutsissutissanillu § 3, nr. 5-mi, taaneqartunik umiarsualivimmut apuuffissaannut assartuisussamut usiliunneqassallutik.

## **Kapitali 12**

### *Nakkutilliineq*

**§ 97.** Qaartiiterutissanut naalakkersuisup nalunaarummi matumani maleruagassat malinneqarnerat nakkutigissavaa.

*Imm. 2.* Nakkutilliinermi suliaasat ilaatigut sukkulluunniit nalunaaqqaarani nalunaaqqaarluniluunniit takkunnikkut isumagineqartassapput.

*Imm. 3.* Nakkutilliinermi oqartussaasut nalunaarutip matuma malinneqarnissaanik peqqusisassapput, kiisalu unioqqutitsinernik politiinut unnerluussisassallutik.

*Imm. 4.* Nakkutilliinermit atatillugu nakkutilliinermit oqartussaasut qaartiterinermi atortussianit § 3, nr. 1-4-mi taaneqartunit aamma qaartitsissutissanit kukutsissutissanillu § 3, nr. 5-mi, taaneqartunit misissugassamik teknikkikkut misissorneqartussanik, tiguisinnaapput.

*Imm. 5.* Nakkutilliinermi oqartussaasut nakkutilliinermi suliaasanik isumagisaqarnerminnut atatillugu politiinit ikioqqusinnaapput.

## **Kapitali 13**

### *Immikkut ittumik akuersissuteqarneq*

**§ 98.** Qaartiiterutissanut naalakkersuisoq nalunaarummit matumanga uniuinissamut immikkut ittumik akuersissuteqarsinnaavoq, taamaattorli tassani § 7, § 8, imm. 2, § 26, imm. 2 aamma § 85, imm. 3, pineqanngillat.

## **Kapitali 14**

### *Pineqaatissiissutaasinnaasut*

**§ 99.** Akuersissutitut tunngavigineqartut atuukkunnaarsimappata, akuersissutit nalunaarut manna naapertorlugu tunniunneqartut ataavartumik imaluunniit piffissamut aalajangersimasumut atorunnaarsinneqarsinnaapput.

*Imm. 2.* Qaartiterutissanut naalakkersuisup isumannaallisaaneq eqqarsaatigalugu pisariaqartutut naliliiffigippagu, qaartiterinermit pisortaq qaartiterinermit periaatsit ilisimasani attatiinnarniarlugit pikkorissaanermut, qaartiterutissanut naalakkersuisumit akuerisaasumut, peqataassaaq.

**§ 100.** Makkua Kalaallit Nunaanni pinerluttulerinermit inatsit malillugu pineqaatissiinermik kinguneqarsinnaapput:

1) § 6, imm. 1-imik, § 8, imm. 1-imik, § 10, imm. 1-imik aamma 3-imik, § 11-imik, § 12, imm. 1-imik aamma 3-imik, §§ 13-14-imik, § 16-imik, § 18-imik, § 19, imm. 1-imik, §§ 24-25-imik, § 26, imm. 1-imik, §§ 28-29, § 30, imm. 1-imik, § 31, imm. 4-imik, §§ 32-39-imik, §§ 41-43-imik, § 44, imm. 1-3, §§ 45-50-imik, § 52-imik, § 53, imm. 1-imik, §§ 54-61-imik, § 63-imik, § 64, imm. 1-imik aamma 2-imik, §§ 65-76-imik, § 77, imm. 1-imik aamma 2-imik, §§ 78-84-imik, § 86-imik, §§ 88-92-imik aammalu §§ 94-96-imik unioqqutitsinerit.

2) § 6, imm. 2, aamma § 44, imm. 4 naapertorlugit atugassarititaasunik aalajangersakkanik unioqqutitsinerit.

3) § 62, § 64, imm. 3, § 85, imm. 1, § 87 aamma § 97, imm. 3 naapertorlugit peqqussutinik naalakkiutinillu malinninnginnerit.

*Imm. 2.* Suliffeqarfik, naalagaaffimmit, Namminersornerullutik Oqartussanit, kommunimit imaluunniit kommunit suleqatigiiffannit kommunalbestyrelsit aamma nunaqarfinni aqutsisut il.il. pillugit Inatsisartut inatsisaanni § 64-imi pineqartumit, tamakkiisumik ilaannaasumilluunniit pigineqartoq, aktieselskabi, anpartsselskabi, andelselskabi assigisaaluunniit unioqqutitsisuusimappat, suliffeqarfik ilaalu ilanngullugit taamatut akisussaasuunissamik pisussaatinneqarsinnaavoq. Tamanna aamma atuutissaaq Namminersornerullutik Oqartussat, kommuni imaluunniit kommunit suleqatigiiffat kommunalbestyrelsit aamma nunaqarfinni aqutsisut il.il. pillugit Inatsisartut inatsisaanni § 64-imi pineqartoq unioqqutitsisuusimappat.

## Kapitali 15

### *Atuutilerfissaa, ikaarsaarnermut aalajangersakkat ilaalu ilanngullugit*

**§ 101.** Nalunaarut manna 1. september 2007-imi atuutilerpoq.

*Imm. 2.* Tamatumunnga peqatigitillugu, akoorutissat qaartuujasut pillugit Namminersornerullutik Oqartussat nalunaarutaat nr. 14, 21. august 2006-imeersoq, atorunnaarpoq.

**§ 102** Qaartiterutissaasivimmik piginnittoq, nalunaarutip matuma atuutilernerani, suut qaartuujasut Kalaallit Nunaannut eqqunneqarnerat, tunniunneqarnertarnerat, inissisimaneqartarnerat, sananeqartarnerat atorneqartarnerallu pillugit Namminersornerullutik Oqartussat nalunaarutaat nr. 12, 21. januar 1986-imeersoq naapertorlugu imaluunniit akoorutissat qaartuujasut pillugit Namminersornerullutik Oqartussat nalunaarutaat nr. 14, 21. august 2006-imeersoq, naapertorlugu, akuerisaasoq, kingusinnerpaamik 1. januar 2008-imi qaartiterutissaasiviit nalunaarummi matumani piumasaqaatinut naapertuuttunngortinneqarnissaannik qulakkeerissaaq.

*Imm. 2.* Qaartiterinermit pisortatut atuunnissamut akuersissut akoorutissat qaartuujasut pillugit Namminersornerullutik Oqartussat nalunaarutaat nr. 14, 21. august 2006 naapertorlugu nalunaarutigineqarsimasooq, piffissap atuuffissatut akuerisaasup naanerani atorunnaassaaq.

*Imm. 3.* Qaartiterinermit atortussianik § 3, nr. 1-4-mi, taaneqartunik aamma qaartitsissutissanik kukutsissutissanillu § 3, nr. 5-mi, taaneqartunik, pisinissamik atuinissamillu akuersissut akoorutissat qaartuujasut pillugit Namminersornerullutik Oqartussat nalunaarutaat nr. 14, 21. august 2006 naapertorlugu nalunaarutigineqarsimasooq, piffissap atuuffissatut akuerisaasup naanerani atorunnaassaaq, taamaattorli kingusinnerpaamik 31. december 2007.

*Imm. 4. Qaartiterutissaasivimmut pisortatut akisussaasuusoq taassumalu sinniisissai marluk qaartiterinermi atortussianik § 3, nr. 1-4-mi, taaneqartunik aamma qaartitsissutissanik kukutsissutissanillu § 3, nr. 5-mi, taaneqartunik, qaartiterutissanut naalakkersuisumit akuerisaasumik, passussinissamik angallassinissamillu kingusinnerpaamik 1. marts 2008 pikkorissareersimassapput angusisimassallutillu.*

*Namminersornerullutik Oqartussat, ulloq 16. juli 2007*

Kim Kielsen

/

Olafur P. Nielsen

Ilanngussaq 1

Ilanngussaq 2

Ilanngussaq 3

Ilanngussaq 4

Ilanngussaq 5

**Namminersorlutik Oqartussat**

Imaneq 4

3900 Nuuk

E-mail: [nsninatsit@nanoq.gl](mailto:nsninatsit@nanoq.gl)

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut

